



Dia Internacional di
Famia 2024 ta enfoca
ariba cambio climatico

Pagina 5

Diaranson 15 di Mei 2024 www.bondia.com Email: noticia@bondia.com Tel: 582-7800 Fax: 582-7044 1,75 Florin

ELMAR NV tocante situacion di storing:

**“Demanda di energia ta sumamente grandi
y esaki no a ser premira den pasado”**



Pagina 3

- **Bon Dia Aruba ta
anuncia ganador
di raffle pa Dia di
Mama!**

Pagina 13

- **DUCAPRO y
asociacion ABA no a
yega na un acuerdo**

Pagina 2

- **Director ehecutivo
di IMF ta subraya
importancia di baha
debe halto di Aruba**

Pagina 6

**Segun Otmar Oduber minister Ursell
Arends mester entrega su retiro
inmediatamente pa su falta di maneho**



Pagina 4

**BAKI DEN BARIO
SANTA CRUZ**

**25 MEI 2024
7AM - 11AM**

limpi.aw

*Limpi
Limpi*

**CFT ta urgi Corsou fortalece
strategia financiero**



Pagina 8

**Colombia: Hefe maximo di ELN ta bisa
cu Petro a haya placa di extorsion**



Pagina 10

Aruba ta bay celebra e di IV Encuentro Multicultural di aña 2024 na San Nicolas

E aña aki, San Nicolas ta bay ta e epicentro di arte y cultura na Aruba na unda diadomingo 19 di mei lo cuminsa cu un feria gastronomico y show multicultural y dia 21 di mei lo tin un parada di Paz y Unidad.

E encuentro aki ta relaciona cu Dia Mundial di Diversidad Cultural pa Dialogo y Desaroyo" declara pa UNESCO, Ministerio di Cultura Aruba conhuntamente cu Departamento di Cultura Aruba, Cuerpo Consular, UNESCO Aruba, Artisa y gruponan artistico, Folklore-Cultural estableci na Aruba di diferente pais manera Colombia, Hulanda, India, Italia, Jamaica, Peru, Filipinas, Santo Domingo, Suriname, Venezuela y otro ademas di Aruba, ta bay trece nan presentacion unico.

E proyecto aki e cual a ser crea na 2021, tin como meta central pa crea lasonan di union, genera e integracion



y comparti cu otro e rikesa di mas grandi di Aruba manera nos multiculturalidad. Den pasado ya caba tabata celebra pa 15 aña consecutivo bou di e nomber di 'Feria Multicultural' cu tabata tuma luga riba dia 12 di october cu ta 'Dia de la Raza'.

Ademas, ta un plataforma na unda tur pais tin e oportunidad di celebra nan cultura den forma di gratitud y ta topa cu otro den union y harmonia aportando p'e pas y unidad di tur e pueblonan di mundo.

Igualmente, ta pa crea un ambiente di convivencia pacifico, na unda respet, tolerancia y libertad di expresion artistico y cultural ta resalta, pa despues sigui promove esaki, presenta den combinacion cu un show di inter-

cambio multidisciplinario cultural un tema di reflexion, un exposicion gastronomico y artesanal, crea un espacio caminda artista di tur genero por demostra nan talento y expresa na e publico presente, tur e potencial artistico cu tin na Aruba.

A traves di e "Encuentro Multicultural Aruba" DCA ta pusha pa stimula e pueblo di Aruba pa por sigui traha, biba, sinti y conserva e herencia cultural, material y no material. Proteha e patrimonio y legado cultural di cada nacionalidad y asina aki crea un espacio pa comparti e rikesa cultural di tur hende cu ta biba na Aruba.

E lema central e aña aki ta: "Pone e Arubiano na haltura di su cultura y siñe conoce di otro, e rikesa di nos pais ta nos multiculturalidad."

Potret ta cortesia di Departamento di Cultura su Facebook Page.

DUCAPRO y asociacion ABA no a yega na un acuerdo

Manera ta conoci desde 1 di januari di e aña aki DUCAPRO a anuncia cu cualkier compania of persona cu haci uso co-

mercial di musica tin cu paga pa e derecho pa haci esaki. E noticia aki a trece hopi discusion y pa motibo di esaki DUCAPRO

a lanta un caso contra e radio emisora 100.9-Hits-100FM (Q-Waves N.V.) pasobra e radio emisora no kier paga e suma men-

sual cu ta ser rekeri pa por haya e derecho pa toca musica tur luna.

Den luna di februari DUCAPRO y Q-Waves N.V. tabata den corte na unda ambos partido a presenta nan argumentacionnan pakico si of pakico no mester cumpli cu e pago mensual cu DUCAPRO ta pidi pa por ricibi e derecho pa toca musica tur luna.

Na final di e tratamiento di e caso, despues di a scucha ambos partido, hues a ratifica cu e radio emisora en cuestion, y tur otro cu kier haci uso comercial di musica, mester paga pa por haya e derecho pa toca musica di autornan local y internacional. Loke a keda pendiente pa establece tabata cuanto e suma aki ta bay bira.

Hues a sugeri e ora pa e partidonan sinta na mesa pa asina hiba un negociacion y yega na un acuerdo, cual ambos partido a bisa cu nan ta dispuesto pa haci. Mientras cu negociacion tabata andando, hues a puntra abogado di DUCAPRO si e radio emisora por paga un suma mas abao di loke nan

ta pidi.

E doño di e radio emisora a indica na hues cu nan ta dispuesto pa paga 250 florin pa luna, cual e abogado di DUCAPRO a rechasa indicando cu e suma ta demasiado abao.

Hues e ora, riba peticion di abogado di DUCAPRO, a determina un periodo di dos luna pa e partidonan sinta na mesa y negosha un tarifa aceptabel pa ambos.

Segun noticiero local, Noticia Cla, a informa ayera, e caso entre DUCAPRO y asociacion ABA a continua ayera mainta den corte mirando cu e deadline cu hues a pone, 24 di april, a vence y e partidonan no a yega na un acuerdo.

Segun e noticiero a indica hues lo haci un intento mas pa wak si e partidonan por yega na un acuerdo, pero si esaki no resulta, hues mes lo tin cu dicta un sentencia den cual e ta esun cu ta bay determina e suma cu e radio emisoranan mester paga DUCAPRO.



ELMAR NV tocante situacion di storing

“Demanda di energia ta sumamente grandi y esaki no a ser premira den pasado”

Interupcion di coriente ta un problematica cu ultimamente ta birando mas fastioso pa comunidad y tambe pa trahadonan di ELMAR N.V caminda ayera atardi un ekipo conforma pa director, operations manager y manager di customer service a bin dilanti pa splica kico ta e situacion di ELMAR na e momentonan aki.

Ayera Anthony Irausquin, ken ta fungi como director di ELMAR N.V conhuntamente cu Albertico Koolman operations manager y Rachel Kraaijvanger customer service manager a tene un conferencia di prensa debi na cantidad di storing of interupcion di coriente cu ta bin tumando luga den ultimo luna na Aruba y na unda Irausquin a enfatisa cu esaki “no ta standard di ELMAR y no ta aceptabel.”

Den ultimo dianan ELMAR NV ta confrontando varios problema di coriente, pa via di esey Irausquin a informa cu nan a registra 15 storing for di 26 di april ultimo incluyendo esun di WEB cu a sucede dia 3 di mei, el a categorisa e varios storing aki na unda tabatin dos caso causa door di fli, 3 caso causa door di blaas di helium, dos caso unda a dal un palo di luz y un cu a kima, dos caso di cable storing, cinco caso di stalige onderhoud y esun di WEB.

E situacion na ELMAR na e momentonan aki segun Irausquin a splica, ta cu na 2021 nan a haya un retraso den e parti di mantencion unda den pasado e maneho tabata diferente, e tempo ey e maneho tabata pa enfoca mas riba expansion di grid y pa traha mas trafohuis, tur esey a trece consecucionan aworaki door cu e maneho no tabata enfoca den mantencion di infraestructura. “Si bo wak e crecimiento acelera cu nos ta presenciando na e momentonan aki, e demanda di energia ta sumamente grandi y esaki no a ser premira den pasado,” el a sigura.

Pa e motibo aki nan a bin cu un plan di mantencion, despues cu Irausquin a ser nombra como director na 2021 manera el a bisa, hunto cu Utilities Aruba N.V bao maneho di Richard Eman y



ekipo tecnico, nan a traha un strategia nobo y pone como prioridad e mantencion di e grid.

Na aña 2021 nan a introduci un plan di cinco aña pa asina nan por ehecuta esaki debidamente, Irausquin a afirma cu e tabata un temporada hopi dificil net despues di pandemia unda e cadena di suministro tabata un problema hopi grandi pa ELMAR cu e material tabata tarda masha hopi mes pa yega Aruba, un ehemplo di esaki ta trafohuis cu ta tarda dos aña pa nan por ricibie na ELMAR.

Nan ta den proceso pa un mantencion hopi grandi y acelera unda en bes di cinco aña nan kier haci den tres aña “naturalmente esaki ta trece hopi retonan cune, pasobra material ta keda un reto pa nan por ricibi esey na tempo,” Irausquin a declara.

Pa e aña aki nan ta bay construi 7 trafostation nobo cu segun lo ta bay keda cla prome cu final di e aña aki, cu e diseño nobo aki nan por instala ekiponan moderno cu lo mester resulta den un suministro di coriente hopi mas confiabel.

Albertico Koolman a splica por medio di un presentacion con e grid tabata na aña 1960, e cual tabata hopi simpel y facil pa mantene, cu e trans-

curso di e añanan e grid aki a expande y crece unda na 2023 a crece hopi mas loke ta trece su retonan cune.

Pa loke ta trata cifranan, pa 2013 te cu aworaki casi 100 kilometer a bin acerca unda nan clientenan tambe a aumenta drasticamente cu casi 50.000 cliente, sinembargo, cifra di empleadonan mes no a crece hopi, loke ta nifica cu casi e mesun empleadonan nan ta maneha un grid hopi mas grandi di lo cual tabata ta y nan ta haci mantencion cu ayudo di contratista.

E parti cu nan ta considera mas vulnerabel ta e parti aereo, Aruba ta un isla unda awa no ta yobe hopi esey kermen cu tur e liñanan cu tin salpeter cu tur e sushedad of blaas di helium, por ehemplo cu tin aluminium, ta pega den e liñanan aki y tambe ta ocasiona storing.

Continuando riba e blaas di helium, ta algo cu nan no por evita pa motibo cu e liñanan cu koper ta “sunu” y manera algo ta mishi cune por ocasiona un incidente.

Koolman a indica cu ora ta usa un blaas di e tipo aki e personanan por saca su gas afo, por warde of tire den un bari di sushi pa e no bula, “nos mester conscientisa si con por haci uso di dje.”

Nan tin suficiente demanda y ora esey ta sigui crece nan ta haci nan parti di expansion pero e parti di mantencion no por keda atras y awor cu hotelnan ta biniendo, por ehemplo esun di Sero Colorado, Koolman a bisa cu e grid ta cla caba pero den e parti di mantencion ta e parti cu nan mester enfoca mas.



ARUBA AIRLINES - JOB OPPORTUNITY



Quality Assurance Manager in Aviation

Job responsibilities:

The Quality/Assurance Manager is in charge of:

Implementing a Compliance Monitoring System, which includes an Audit/Inspections programme.

Checking the compliance with:

- Regulatory requirements
- Airline standards
- Procedures required to ensure safe operational practices and airworthy aircraft
- Requesting remedial actions

Job requirements:

- Education on HBO+ level
- 3 years' experience in a similar position or 5 years' experience as an auditor

Please send your application letter, resume, diplomas, and other relevant documents to:
Human Resources Department: mirurgia.ras@arubaairlines.com Tel: 290-8300 ext. 107.
Deadline to submit your application is May 30th, 2024.

Segun Otmar Oduber minister

Ursell Arends mester entrega su retiro inmediatamente pa su falta di maneho

Dialuna mainta ex minister y politico di plataforma PAIS, Otmar Oduber a tene un conferencia di prensa pa elabora ariba diferente topico. Un di e topiconan tabata e incinerator y e planta di RWZI, un tema cu tin hopi atencion mirando e problemanan cu tin actualmente cu e planta aki.

Tempo cu Oduber tabata minister e tabata carga e responsabilidad di e maneho y funcionamiento di plantanan di RWZI, dump y maneho di Serlimar. El a remarca durante e conferencia y cu despues di tres aña, for di su punto di bista, minister actualmente encarga cu e cartera aki, Ursell Arends, mester entrega su retiro.

“Mi no por tin otro conclusion cu ta cu a yega momento pa minister Ursell Arends entrega su retiro. Minister Ursell no tin niun derecho mas, despues di tres aña sinta den e stoel, pa sigui como minister pa loke ta trata cada un di e responsabilidanan di su cartera,” Oduber a subraya.

El a señala cu minister Arends, encarga cu e cartera di Asunto di Adultonan Mayor, no a haci nada pa e pensionado y grandinan, fuera di un liña cu telefon cu a ser instala pa e grandinan y un conferencia cu a ser organisa, cu a haci un diferencia den e bida di e adultonan mayor y pensionadonan na Aruba.

Pa loke ta trata e cartera di naturalesa, Oduber a indica cu e minister no a pasa niun ley pa naturalesa y medio ambiente. El a enfatisa cu durante e dos añanan cu e tabata eherce como minister di e cartera aki, el a introduci e ley di proteccion di e 16 areanan na Aruba, e ley pa loke ta trata aandachtvergunning, e ley di maneho pa loke ta trata Build with Nature y e ley pa loke ta trata Marine Park.

Den e tema di maneho di desperdicio, Oduber a splica cu na aña 2018 a taha un rapport caminda cu tur instancia tur instancia gubernamental, priva y stichting tabata involvi. A traha un rapport cu tres conclusion riba kico mester sucede den termino cortico, mediano y largo.

E prome conclusion di e rapport aki tabata kico mester sucede riba termino cortico, cual Oduber ta señala tabata pa cera e dump na Parkietenbos e tempo ey pa tur loke ta trata sushi di cas, ya cu no por a mantene Parkietenbos mas pasobra e tabata un peliger pa henter Aruba.

E conclusion pa accion riba termino mediano tabata cu mester percura pa wak kico ta bay sucede e ora cu e sushi di cas. El a sigui splica cu a yega na un acuerdo cu un compania local pa deshaci di un forma sigur di e sushinan di cas. El a indica cu e tempo ey expertonan a bisa cu Ser'i Teishi por ta un solucion, pero cu esaki por sostene pa solamente pa dos aña y mey, como maximo tres aña. Ya aworaki ya yegando casi cinco aña y ainda Ser'i Teishi ta ser usa.



“E desaster cu nos ta preparando nos mes pe na Ser'i Teishi nos no ta ni imagina pasobra bo ta forando un desaster cu ta bay sucede aki cinco pa dies aña cu mester bay coba y saca tur e sushi ey atrobe y bay atende cune,” Oduber a resalta.

E di tres conclusion pa termino largo tabata cu mester busca un incinerator pa pais Aruba. “Nos a haci esey den dos aña di tempo y a traha riba termino corto, mediano y largo. Cual otro solucion minister Ursell Arends a haci riba e tereno aki?” Oduber a cuestiona.

Ariba e topico di RWZI, e ex minister a expresa cu e maneho di e planta aki “ta e berguensa cu tin cu pone Ursell Arends entrega su retiro.” El a remarca cu tempo e tabata minister encarga cu e cartera aki, expertonan di DOW a traha e rapportnan y nan tabata cla pa inverti den e planta despues cu a papia cu ATA cu tabatin e fondo di emergencia pa inverti den un planta nobo cu lo a costa e tempo ey mas o menos 60 miyon florin, y no 200 miyon florin manera cu a ser indica aworaki.

El a splica cu e tempo ey e costo tabata 60 miyon caminda nan a dicidi, mirando cu Parkietenbos y Zeewijk tin cierto ekipo y mashinnan, pa bay den e mesun direccion pa loke ta trata e planta na Bubali, cual segun e ex mandatario tabata e consejo di expertonan di DOW, pasobra e ora mester un solo inventario di piesa, tur mashin ta mescos, tur cos por draai mescos y asina por haci e funcionamiento di e plantanan mas eficiente.

“No kier a sigui cu loke Otmar a laga atras y awe tres aña despues bo kier bin papia no di 60 miyon, bo kier papia di 200 miyon y awo bo kier bay na e baca lechera cu ta ATA y turismo pa regla asunto di

pupu na Aruba a traves di turista... matando e galiña cu ta pone webo di oro na Aruba,” el a resalta.

Oduber ta subraya cu e efecto di e aumento di e environmental levy pa turista e no ta bin awo pa e turismo, pero si no aki algun aña ora Aruba ta bira demasiado caro y tur e hotelnan cu tin y cu ta bay bin, ta bay ta bashi.

Manera ta conoci siman pasa corte a duna su veredicto den e caso di Amsterdam Manor contra pais Aruba pa e efectonan negativo cu e problema di RWZI Bubaliplas ocasiona pa e hotel, na unda gobierno a perde e caso. Oduber a remarca cu den e caso aki, “mester pone Ursell Arends personalmente responsable” pa e veredicto aki. “Ken ta bay paga e miyones na Amsterdam Manor pasobra abo tabata dehado di drecha RWZI na Bubali,” el a señala.

El a indica cu tabatin e rapportnan di DOW y e forma pa por a drecha RWZI na Bubali, pasobra, segun e politico a menciona, si ATA a saca for di turismo aña pasa pa e aña aki 80 miyon florin, cu esey por a cumpra e planta completo pa RWZI, cual segun el a menciona anteriormente tabata costa 60 miyon florin.

“Bo a genera y bo por a saca, mescos cu ta bay sak'e aworaki mediante un supuesto environmental tax, cu no ta klop,” el a remarca.

Oduber a señala cu un environmental tax ta pa ora cu ta haci cosnan sostenibel, pero di su punto di bista, esaki no ta nada sostenibel pasobra den e caso aki mester cumpra un mashin, cu tin cu haci un trabao y no tin nada di haber cu sostenibilidad. “Ta usa esaki pa tapa e falta di maneho cu minister Ursell Arends tabatin,” Oduber a enfatisa.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Dia Internacional di Famia 2024 ta enfoca ariba cambio climatico

Awe 15 di mei ta celebra Dia Internacional di Famia y e aña aki ta celebra e di 30 aniversario di e dia aki. Pa celebra e Dia Internacional di Famia, e aña aki Nacionnan Uni a scoge e tema 'Famia y Cambio Climatico.'

Famia y Cambio Climatico
Dia Internacional di Famia 2024 tin como meta yama atencion ariba con cambio climatico ta impacta famianan y e rol cu famianan por hunga den accion climatico. Nacionnan Uni ta remarca cu mediante iniciativa di famia y comunidad, por promove accion climatico cu educacion, acceso na informacion, training y participacion di comunidad.

No ta un secreto cu cambio climatico tin un impacto negativo ariba salud y bienestar di famianan pa motibo di aumento di contaminacion, mientras cu eventonan climatico extremo ta ser intensifica pa cambio climatico, manera entre otro horcan, sekia y inundacionnan, frecuentemente ta resulta den e desplazamento forsa y perdida di medionan di bida pa famianan y individuonan.



E tipo di eventonan aki tin un impacto pisa ariba productividad agricola y acceso na awa, intensificando asina e cantidad di famia y personanan cu ta sufri di hamber y cu ta biba den vulnerabilidad. Nan ta causa distorsion economico den e industrianan cu ta hopi sensitivo na impacto di cambio climatico, manera por ehemplo agricultura y pesca.

"Sin accion drastico, adaptacion y mitigacion, e impacto di cambio climatico lo bira cada biaha mas dificil y costoso," ONU ta resalta.

Kedando na e tema di aña aki, ONU ta subraya e importancia di empodera famianan mediante educacion, cambio di habito di consumo y abogacia, cu ta un parti crucial pa accion climatico significativo y efectivo.

Famianan ta pasa balornan di generacion pa generacion y na mesun momento pasando tambe habitonan sostenibel y consenshi di clima den famianan for di un edad mas jong, cual ta importante.

Integrando principianan di economia circular den educacion di muchanan chikito por yuda construi un modelo economico sostenibel basa riba minimalisa desperdicio y regenera recursonan natural.

Historia Dia Internacional di Famia

Durante e añanan 1980, Nacionnan Uni a cuminsa pone mas atencion ariba e tema di famia. Na 1983, basa riba recomendacion di e Consejo Economico y Social, e Comision pa Desaroyo Social den su resolucion ariba e rol di famia den e proceso di desaroyo a pidi e Secretario General pa aumenta conscientisacion entre esnan cu ta tuma e decisionnan y e publico ariba e problema y necesidad di famia, como tambe e manera efectivo pa cubri e necesidadnan aki.

Den su resolucion di 29 mei 1985, e Consejo a invita e Asamblea General pa considera e posibilidad di inclui den e agenda provisional di su 41 sesion un punto titula "Famianan den e proceso di desaroyo", cu un bista pa considera un peticion na e Secretario General pa inicia un proceso di desaroyo di

conscientisacion global di e tema aki, dirigi na gobierno-, organisacionnan intergubernamental y no-gubernamental y opinion publico.

Despues, basa riba recomendacion di e Comision pa Desaroyo Social, e Asamblea a invita tur Estado miembro pa duna nan opinion riba e posible proclamacion di un aña internacional di famia y pa duna nan comentario- y proposicionnan.

E Consejo tambe a pidi e Secretario General di Nacionnan Uni pa entrega na e Asamblea General un rapport, basa riba e comentario- y proposicionnan di e Estadonan miembro, ariba e posible proclamacion di un tal aña y otro cu ta inclui e maneranan con pa mehora e posicion y bienestar di famia y intensifica e cooperacion internacional como parti di un esfuerzo global pa avansa den e progreso social y desaroyo.

Den su resolucion di 9 december 1989, e Asamblea General di Nacionnan Uni a proclama e Aña Internacional di Famia.



LOTTO 5

Cuminsando cu 4 florin, bo por gana e suma grandi aki

Afl. 300.000,-

Obtenibel na cualkier rebendado di Lotto.

sorteo ta awe nochi 7:45 pm

HUNGA AWO

f X Instagram YouTube

Aruba su Departamento di Aviacion Civil ta firma acuerdo crucial di entrenamiento cu ICAO

Ministerio di Transporte ta orguyoso pa anuncia firmamento di dos acuerdo significativo di entrenamiento cu International Civil Aviation Organization (ICAO). E acuerdonan aki a wordo firma dia 1 di mei 2024 durante e "Global Implementation Support Symposium" cu a tuma luga na Republica Dominicana.



E acuerdonan a wordo firma door di Sr. Juan Carlos Salazar, Secretario General di ICAO, y Sr. Edwin Kelly, Director di Departamento

di Aviacion Civil di Aruba. Como testigo di e firmamento a fungi Sr. Salvatore Sciacchitano, Presidente di Consejo di ICAO, Sr. Ursell Arends, Minister di Trans-

porte, Integridad, Naturalesa y Asuntonan di Adulto Mayor y Sr. Christopher Barks, Director Regional di ICAO pa Norte-America, Centro-America y Caribe.

E prome acuerdo ta un acuerdo general di entrenamiento, cu ta habri e porta pa diferente entrenamiento tecnico y operacional wordo duna door di ICAO na Aruba, tanto den forma fisico como den forma online.

E segundo acuerdo ta un acuerdo di entrenamiento specifico tocante evaluacion y supervision di sistemanan di gestion di seguridad operacional ("Safety Management System"). E entrenamiento specifico aki, ICAO lo duna fisicamente na Aruba pa per-

sonal tecnico di Departamento di Aviacion Civil.

Cu esaki Gobierno di Aruba, en particular Minister di Transporte, Integridad, Naturalesa y Asuntonan di Adulto Mayor ta duna contenido na su compromiso pa inverti den personal di Departamento di Aviacion Civil di Aruba pa asina garantis cu e Departamento aki lo por sigui cu su trabou importante pa sigura seguridad di Aruba su transporte aereo, di cual nos turismo ta depende asina hopi ariba.

Director ehecutivo di IMF ta subraya importancia di baha debe halto di Aruba

Durante reunion di Consejo di Minister diamars 14 di mei, tabatin un encuentro cu Director Ehecutivo di IMF (Fondo Monetario Internacional), señor Paul Hilbers. Durante e encuentro señor Hilbers a duna e vision di IMF riba e desaroyo na Aruba.



Prome Minister Evelyn Wever-Croes a informa den un comunicado di prensa cu e reunion tabata hopi positivo unda cu señor Hilbers a indica cu e desaroyo di Aruba ta uno impresionante. Segun Wever-Croes, IMF tin su bista riba Aruba y por mira cu e economia ta draai bon,

e finanzas ta bay bon y señor Hilbers a duna palabranan di elogio pa e maneho financiero di pais Aruba. Señor Hilbers a subraya riba e importancia di tin surplusnan den un presupuesto pa por paga debe y asina baha e debe halto cu Aruba tin. Tambe el a pone enfasis riba e desaroyo

di turismo. En general e ehecutivo a declara cu Aruba tin un desaroyo positivo. "Hopi tempo nos no tabatin un reunion asina positivo cu ehecutivonan asina halto di IMF cu a trece tanto elogio. Esaki naturalmente ta yena mi cu hopi orguyo como Prome Minister di nos pais.



Nos a pasa den temponan hopi dificil pero hunto nos a logra, tumando decisionnan hopi dificil, hiba nos pais padilanti. Mi ta gradici Minister di Finanzas y su ekipo pa e trabounan cu nan ta haci riba e tereno financiero y tambe na tur colega Minister

cu ta duna di nan parti riba cada tereno y awo por mira e resultado den e elogio asina importante di parti di IMF. Ohala esaki por sirbi como un inspiracion pa cada un di nos pa sigui duna di nos parti pa nos hiba nos pais padilanti", Prome Minister a expresa.

Presentacion na KvK di koopkrachtmodel duna na gremionan comercial

Diamars 14 di mei riba peticion di Minister Geoffrey Wever, Economisch Bureau Amsterdam ("EBA") a duna un presentacion riba e koopkrachtmodel na diferente gremionan comercial. Esaki a tuma luga den coordinacion cu Camara di Comercio.

Economisch Bureau Amsterdam a colecta y procesa data di diferente instancianan

gubernamental pa e por a crea e koopkrachtmodel cu por calcula e impacto di maneho riba e poder di compra. A tene cuenta cu 32 tipo di constelacion di hogarnan mas comun na Aruba. E modelo ta consisti entre otro di e diferente tarifican di inkomstenbelasting y belastingvrije voet, kinderaftek, eigenbijdrage AOV-AWW- AZV werknemer y werkgever, primanan AOV-AWW- AZV,

bijstand, schoolbijdrage, sumanan di pensioen AOV y AWW, salario minimo y inflacion.

Despues di a cuminsa e proceso pa traha e koopkrachtmodel den januari 2024 y duna presentacion na Parlamento di Aruba y Consejo di Minister, Economisch Bureau Amsterdam a presenta e koopkrachtmodel y su uzo na gremionan comercial manera

ATIA, AHATA, CUA, SNBA y representantenan di KvK.

Inflacion y consumer price index (CPI) ta factornan cu pa comercio ta hunga un rol importante, mirando cu e cantidad di placa disponibel pa ser uza pa compra producto y servicicionan ta determina e 'outlook' economico di e pais. E calculacionnan di poder di compra den e koopkrachtmodel ta basa riba data concreto y relevante ricibi

di diferente instancianan pa asina garantis cu e resultado di e modelo ta refleha e situacion mas cerca posibel, segun minister Geoffrey Wever.



Merca:

Encuesta ta muestra cu 8,000 hende muhe pa luna a haya pildo pa abortus a pesar di prohibicionnan estatal



(AP)—Miles di hende muhe den estadonan cu prohibicionnan riba abortus ta ricibiendo pildonan di abortus via post for di estadonan cu tin leynan protegiendo prescriptor-nan, segun un rapport ta muestra.

E publicacion ayera di e encuesta #WeCount ta muestra cu aproximadamente 8,000 hende muhe den estadonan cu ta pone restriccion severo riba abortus of ta pone limite pa haya un via liña di salud tabata hayando pildonan manda via post na fin di 2023, e prome biaha un cantidad a ser poni riba con frecuente e solucion alternativa di e sistema medico ta ser usa. E investigacion a ser conduci pa e Society of Family Planning, cual ta apoya derechon di abortus.

8,000 muhe mas den estadonan sin prohibicion of restriccion severo riba abortus tabata ricibiendo pildo tur luna via afspraak virtual, e estudio a muestra. En general, e encuesta a conta aproximadamente 90,000 abortus operacional of medicinal ofreci pa proveedonan medico na 2023, mas halto cu e año anterior. Un otro estudio a descubri recien cu casi dos-tercer di e total ta usa pildo.

E grupo a descubri cu pa december 2023, proveedonan den estadonan cu e proteccion tabata prescribiendo pildo na aproximadamente 6,000 hende muhe pa luna den estadonan unda abortus tabata prohibi durante tur etapa di embarazo of un bes cu detecta actividad cardiaco—aproximadamente seis siman, frecuentemente prome cu muhenan realisa nan ta na estado. E prescripcionnan tam-

be tabata bayendo pa aproximadamente 2,000 muhe pa luna den estadonan unda e leynan local ta limita pildo di abortus via telemedicina.

“Hende ta usando varios mecanismo pa haya pildo cu tin disponible,” segun profesor di ley David Cohen na Drexel University. Esaki “no ta sorprendente a base riba kico nos sa durante historia humano y rond mundo: hende lo haya manera pa termina embarasonan cu nan no kier.”

Abortus medicinal tipicamente ta envolve un combinacion di dos medicamento: mifepristone y misoprostol. E aumenta di e pildonan aki ta un motibo cu e cantidadnan total di abortus a aumenta hasta despues cu e corte supremo a cambia e ley di Roe v. Wade na 2022.

Un encuesta di Pew Research Center conduci na april a descubri cu Mericanonan ta substancialmente mas probable di bisa cu abortus medicinal mester ta legalisa, en bes di ilegalisa, den nan estado. Segun e encuesta, cual no a mira leynan protegiendo prescriptor-nan, mas cu mita di adultonan Mericano ta pensa cu abortus medicinal mester ta legal den nan estado, un quinto di nan ta bisa cu e mester ta ilegal, y aproximadamente un kwart ta bisa cu

nan no ta sigur.

Despues cu a cambia e ley di Roe v. Wade, prohibicionnan riba abortus a tuma efecto den mayoria estado bao control republicano. Actualmente 14 estado ta prohibi esaki cu un par excepcion, mientras cu tres ta prohibi esaki despues di casi seis siman di embarazo. Pero hopi estado bao control democratico a bay den otro direccion. Nan a adopta leynan diseña pa proteha hende den nan estado for di investigacion envolviendo crimennan relaciona na abortus pa autoridadnan den otro estado. Pa fin di año pasa, cinco di e estadonan ey— Colorado, Massachusetts, New

York, Vermont and Washington—tabatin proteccionnan asina especificamente pa cubri prescripcion di pildo di abortus via telemedicina.

“Si un proveedo di Colorado duna cuida via liña telefonico na un pashent cu ta den Texas, Colorado no lo participa den cualkier accion of caso criminal di Texas,” Cohen a bisa. “Colorado ta bisa: e cuida cu a ser provee den nos estado tabata legal. E ta sigui nos leynan pasobra e proveedor tabatin den nos estado.”

Investigadornan ta nota cu prome cu e leynan aki a tuma efecto, hende tabata obtene pildonan di abortus for di fuentenan pafo di sistema

medico formal, pero no ta claro exactamente con hopi hende. Alison Norris, un epidemiologo na Ohio State University y un investigado principal riba e rapport #WeCount, a bisa cu e grupo no ta abordando con hopi pildo a ser envia na cada estado cu un prohibicion “pa mantene e nivel mas halto di proteccion pa individualnan ricibiendo e cuida ey y proveedornan dunnando e cuida.”

Dr. Rebecca Gomperts, director di Aid Access, un suministrado di pildo di abortus trahando cu proveedornan na Merca, a bisa cu pa tin mas leynan protegiendo hende lo haci e sistema medico mas resiliente.

Like
us on 
Facebook

facebook.com/bondianoticia

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS!



CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS!

MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 3 DI MEI TE CU 31 DI MEI

Pa mas informacion yama 525-7555 of bishita nos website lottoaruba.com www.lottoaruba.com

CFT ta urgi Corsou fortalece strategia financiero

(CuraçaoChronicle) - **College Financieel Toezicht (Cft) a emiti un yamado pa Corsou haci ahustenan substancial na e presupuesto di aña 2024. E cambionan aki ta considera necesario pa alinea cu e standardnan delinea den acuerdo Reino pa cu e supervision financiero.**

Notablemente, Cft a delinea un serie di recomendacion, enfatisando e necesidad pa un likides aumenta y e resolucion di deficitnan persistente dentro di cuidu di salud y seguridad social.

Segun e evaluacion di Cft, Corsou mester apresura e velocidad di reformanan financiero. E urgencia aki ta



particularmente pertinente na cuidu di salud y seguridad social, unda accion inmediato ta sumamente necesario pa evita mas presion financiero. Di preocupacion particular ta

e estado precario di Curacao Medical Center (CMC), pa cual un resolucion sostenibel te ainda no ta presente.

Apesar di expectativa di un

respuesta di Corsou na Cft su recomendacionnan anterior pa maart 15, e respuesta oficial a ser ricibi dia 18 di april. Lamentablemente, e pais a implementa solamente parcialmente e ahustenan stipula. Arecanan clave ta inclui e inestabilidad financiero di CMC y e plan di likidacion.

Cft ta enfatisa e necesidad pa un provision dentro di e presupuesto pa atende e perdanan acumulativo di CMC efectivamente. Desafionan persistente na CMC ta sigui pone presion considerabel riba e presupuesto nacional, cu e gobierno sin pone medida nan concreto pa mitiga e preocupacionnan aki.

Adicionalmente, tin un

yamado pa e formulacion comprensivo di un plan di likides di varios ana, crucial pa evalua e necesidad di e prestamonan nobo of refinanciamiento di debenan existente. Mientras cu Corsou a trece dilanti proposicionnan pa un prestamo di 71 miyon florin pa inversionnan di 2024 y pago di 140 miyon florin di debe den 2025, plannan detaya te ainda ta falta.

Cu un deadline di mei 31 poni pa Cft, Corsou ta urgi provee un respuesta comprensivo na e recomendacionnan y entrega e amienda di e presupuesto (OBW) pa 2024. E paso aki ta sumamente necesario pa cumpli cu obligacionnan financiero y reduci e ratio di debe.

Minister di Finanzas ta haci yamado pa retira Algemene Rekenkamer su audit

(CuraçaoChronicle) - **Minister Javier Sylvania di Finanzas a haci un apelacion urgente na Algemene Rekenkamer pa retira nan rapport recien di e cuentanan anual pa 2022 di e pais. Segun e minister, e rapport ta contene erornan serio y tin falta di dialogo cu su ministerio tocante topiconan crucial.**

Algemeen Rekenkamer a reporta un cantidad significativa di 521.2 miyon florin den eror di cumplimiento den e rapport anual, di cual 16.2 miyon florin, segun Sylvania, a ser incorrectamente identifica como erornan di

confiabilidad y cumplimiento financiero.

E Minister a expresa preocupacion tocante e finalidad di e rapport aki, mirando e falta di comunicacion esencial cu su ministerio, cual e ta considera un violacion di transparencia y standard di responsabilidad.

E Ministerio di Finanzas su critica no solamente ta dirigi na e contenido di e rapport sino tambe na e proceso. "Si tabatin un comunicacion adecuada cu nos, tur e puntanan incorrecto aki nunca lo a ser inclui den e rapport final," Sylvania a declara. E ta enfatisa e importancia di comu-

nicacion cla entre tur partido involucra pa sigura cu e rapportnan aki ta corecto.

Ademas, e Ministerio ta keha tocante e falta di reconocimiento pa e desaroyonan positivo logra y e imagen negativo pinta tocante e situacion financiero pa ARC. Sylvania ta insisti cu e Rekenkamer mester revisa y coregi e rapport di acuerdo cu data berdadero y den dialogo cu su ministerio.

E tipo di yamado aki pa retira e rapport no ta comun. E proceduranan cu e Rekenkamer ta usa pa audiencia y apelacion ta estableci y conoci.



Residentenan di Dam Pretu ta exige accion contra polucion ambiental

(CuraçaoChronicle) - **'Union di Habitantenan di Pariba', un grupo di residentenan preocupa di e area di Dam Pretu, a lansa un campaña fuerte contra e polucion ambiental andando den nan bario. E grupo ta exige pa gobierno y autoridadnan relevante interвени pa pone un fin na dump ilegal y e plamamento di polucion cu ta menasa e salud di e comunidad.**

Exposicion prolonga na e polucion a causa problemanan di salud entre e residentenan, manera sintomanan di griep persistente y problemanan di



respiracion. Adicionalmente, mascotanan ta sofoca of bira malo a causa di e aire. Vari-

os residente di edad mayor, kendenan a biba mayoria di nan bida den e bario, no ta

sinti safe den nan propio cas a causa di e mal calidad di aire y condicionnan cu no ta higienico cu ta resulta a causa di e polucion.

Desde aña 2016, varios rapport a ser compila tocante e situacion, sinembargo segun e residentenan, e gobierno no a tuma accion significativa pa atende e problemanan. Frustracion ta aumentando mientras e promesanan no ta ser cumpli y e practicanan ilegal ta persisti. E union ta aserta cu mientras algun oficial ta presta atencion na e problema, no tin progreso.

E asociacin di residente awo

a inicia un peticion y yamadonan na e comunidad pa firma esaki pa asina aumenta e presion riba gobierno. Nan kier control mas estricto na entrada di Dam Pretu y Choloma su arecanan ademas di un uso sostenibel pa e tera, manera agricultura of recreacion.

Den nan lucha pa un miho ambiente, nan ta enfatisa e necesidad pa esfuerso colectivo y e participacion activo di tur stakeholder pa yega na un solucion. E meta no ta solamente atende e situacion actual sino tambe provee generacionnan den futuro cu un ambiente mas saludabel y safe.

Gobierno Hulandes ta entrega ley nobo pa limita studiantenan internacional pa aprobacion parlamentario

(NLTimes) - Minister Robbert Dijkgraaf di Educacion a entrega su ley pa permiti universidadnan limita e cantidad di studiantenan internacional cu nan ta acepta na parlamento pa aprobacion.

E ley tambe ta pone rekisitonan mas estricto pa ofrece cursonan den idioma nan cu no ta Hulandes. Na Hulanda, cursonan cu no ta na Hulandes ta casi exclusivamente den Ingles.

Segun Dijkgraaf, e proposicion lo crea un miho balans entre utiliza e balor di internacionalisacion y mantene e calidad y accesibilidad di educacion di nivel halto. Universidatnan ya caba a cuminsa tuma medida pa limita e cantidad di estudiante internacional den anticipacion pa e ley aki, aunke regionnan cu no ta Randstad manera Limburg a adverti cu e limitenan obligatorio aki por ta desastroso.



Anteriormente e ana aki, parlamento ya caba a aproba cu universidatnan por limita e cantidad di estudiante cu nan ta acepta pa cierto programa di bachelor of associate. Internationalization in Balance Act ta contene reglanan pa esaki, tambe ta permiti un "numerus fixus" riba programanan master y te hasta partinan selecta di cursonan pa un efecto mas specifico.

"Pa garantisar exito pa studiantenan Hulandes y Europeo," e ley tambe ta permiti e universidatnan solamente aplica e limite na studiantenan di fuera di Europa. Sinembargo, esaki por tuma luga solamente si tin capacidad educacional limita den un curso of programa. Universidatnan tambe por impone limite den mita di e aña como un "brake di emergencia" si e calidad y

accesibilidad di e educacion ta comprometida.

E proposicion tambe ta contene un "test pa educacion di lenguahe stranhero," cu ta specifica bao cua condicionnan e institucionnan di educacion di nivel halto por ofrece cursonan den otro idioma cu no ta Hulandes. "Permiso pa cursonan den idioma stranhero por ser otorga

despues di conseho independiente y testnan cauteloso, basa riba un cantidad di criterio cu ta sigura solucionnan specifico," e Ministerio a declara.

E test ta tuma na cuenta circunstancianan regional, necesidadnan den mercado di labor, con unico e curso ta y su posicion internacional.

Polis di Noord-Holland aresta pa bende data di polis na criminalnan

(NLTimes) - Un polis di Heemskerk a ser aresta dialuna bao sospecha di bende informacion di polis na criminalnan, Ministerio Publico (OM) a anuncia. E homber ta bao detencion pa mas investigacion.

E sospechoso ta un polis di

34 ana y ta traha pa cuerpo policial di Noord-Holland. OM ta sospecha su persona di viola su confidencialidad profesional, traspaso di computer y corrupcion oficial.

Polis tambe a aresta un homber di 33 aña di Amstelveen, ken no ta un polis. Segun Ministerio Publico, el

a actua como un persona intermediario cu ta conecta e polis cu ta bende e data cu e criminalnan cu kier cumpra e data aki.

Ambos sospechoso mester permanece bao detencion cu restriccion. E detencion cu restriccion ta nifica cu nan no por tin contacto cu nin-



gun otro persona cu no ta nan abogado of e personanan

y oficialnan involucra den e investigacion.

PvdA su Ronald Plasterk ta Wilders su prome scogencia pa Prome Minister

(NLTimes) - Mientras negociacionnan pa e coalicion ta sigui na Den Haag, Ronald Plasterk a surgi como un opcion prominente pa e rol di prome minister, segun fuentenan cercano na e dialogo a conta RTL Nieuws.

E ex minister di interior y miembro di hopi tempo di partido PvdA ta ser mira como Wilders su candidato preferi pa e posicion despues di Prome Minister Mark Rutte, y lidera un gabinete nobo extra-parlamentario.

Plasterk a yuda guia e prome

rondanan di dialogo entre Wilders su PVV y NSC, BBB cu Rutte su VVD, awo lidera pa Dilan Yesilgoz. E dialogo entre e 4 partido ta andando desde e eleccionnan cu a tuma luga den november, e 4 lidernan di partido a keda di acuerdo cu ningun di nan lo bira e siguiente prome minister y cu na luga di esaki nan lo bolbe Tweede Kamer, parti di e parlamento Hulandes.

Como lider di e partido mas grandi, Wilders ta premira di tuma e oportunidad pa nomina un prome minister nobo. E persona aki lo mester keda aproba pa Yesilgoz, Pieter Omtzigt y Caroline van der



Plas. E individuo su nomber eora lo keda duna na Tweede Kamer pa ser nombra e for-

mateur, ken na su luga ta clausura e dialogonan y ta cuminsa identifica e posibel

ministernan y secretarionan di estado cu lo forma parti di su gabinete.

Plasterk tin 46 aña cu e partido iskiérista PvdA y e partido ta rekeri pa un persona retira nan miembresia si nan scoge di representa otro partido den e gabinete, RTL Nieuws a reporta. Plasterk lo mester uni PVV.

El a fungi como Minister di Interior y Relacionnan di Reino den Mark Rutte su di dos gabinete for di 2012 te cu 2017. Prome cu esaki, e tabata Prome Minister Jan Peter Balkenende su Minister di Educacion, Cultura y

Colombia: Hefe maximo di ELN ta bisa cu Petro a haya placa di extorsion

(DW) – Hefe maximo di grupo arma Ehercito di Liberacion Nacional (ELN) recientemente a acusa e presidente di Colombia, Gustavo Petro, cu den pasado el a yega di ricibi placa di extorsion ora e tabata den e guerrilla di M-19 na decada di añanan 80.

“Papiando di economia ilegal, esun cu Gustavo Petro ta gusta papia, mi ta corda cu na mita di decada di 80, ora e tabata un dirigente regional di M-19 na Santander, el a solicita nos pa nos page un ‘impuesto’ cu ELN tabata cobrando pa transporte,” Eliecer Chamorro Acosta, alias comandante “Antonio Garcia”, a skirbi na red social X. “Efectivamente nos a hiba esey y nos a dune e “placa” pa e impuesto cu tabata cobra. E hunto cu su tropa a gasta e placa ey den alcohol y ‘francachelas’ no den e lucha.



Den e lunanan siguiente nos mester a corta e contribucion ey,” el a agrega. Pa esaki, delegacion di Gobierno cu ta negocia cu guerrilla den un comunicado a sigura cu ta resulta “inaceptabel” cu Garcia, den pleno crisis interno cu e grupo arma aki tin, “ta coy e caminda di insulto y agresion como

forma di distrae tocante e diferencianan pa loke ta trata e proceso di paz.” “Nos ta pidi na ELN na ken ta corresponde pa cumpli su compromiso di suspende secuestro cu fin economico, consolida participacion di sociedad den e construccion di paz, y vooral, den e tuma di decisionnan pa no sigui

perde tempo den dialogonan indefini y asina nos por avansa seriamente pa e caminda di paz y di transformacion,” e comunicado a indica. Ademas, a señala cu e tipo di acusacionnan aki, cu ta sconde e problemanan interno di ELN, loke ta haci ta continua den e mundo di “auto gañamento y ficcion.”

Siman pasa, ELN a anuncia “e culminacion” di suspension di secuestro cu fin economico, ora ta considera cu Ehecutivo no a cumpli cu e creacion di un “fondo multi donante den e proceso di paz,” la lo cual Gobierno a contesta cu “eliminacion” di e crimen ey no ta negociabel cu Estado.

Gobierno y guerrilla a anuncia na december di aña pasa, e di cinco ciclo di negociacion, celebra na Ciudad di Mexico, unda e grupo ey mester a stop e secuestro cu fin economico.

Tin plania cu delegacionnan di Gobierno y ELN lo reuni na Caracas, Venezuela entre 20 y 25 di mei pa firma un acuerdo nobo den marco di negociacion di paz, cu a reinicia na november di 2022, pero no sa kico lo por sucede despues di e decision di ELN di reanuda e secuestro back.

Casi 3.000 militar ta protege 465 candidato debi na violencia pa eleccionnan na Mexico



(EFE) – Casi 3.000 elemento di Ehercito Mexicano y Guardia Nacional ta protege 465 candidato y cuatro funcionario electoral debi na riesgo di violencia politico, mas cu un dozijn di candidato a ser asesina caminda pa eleccionnan di 2 di juni.

Entre nan, ta e tres candidato pa presidencia, ken tin seguridad di 24 oficial cada un, segun secretario di Defensa nacional, Luis Crescencio Sandoval a detaya den un conferencia di prensa di Gobierno. Tambe tin 11 candidato pa gobernador, cu 10 soldaat cada un, y 165 candidato pa Senado y Camara di Diputado, cu seis agente

pa persona. Aunke den comienso Gobierno federal tabata protege e aspirantenan aki so, hefe di Ehercito a expone cu militarnan tambe tin cu cuida 286 candidato pa diputado local y alcalde, asina como tambe cuatro funcionario electoral, cu seguridad di seis militar. “A agrega seguridad pa diputadonan local y presidentenan municipal, funcionarionan relaciona cu proceso electoral, di manera cu ta 2.912 elemento di Forsa Arma y Guardia Nacional cu ta cubriendo e seguridad di e candidatonan aki cu a solicita (proteccion),” Sandoval a splica. E proteccion aki ta debi na violencia politico, cu 15 candidato asesina reconoci pa Gobierno, pero organisa-

cion ciudadano data Civica a reporta dialuna ultimo un total di 30, incluyendo cuatro na april, mientras cu consultor DataInt ta conta 33.


Secretario di Defensa tambe a informa riba e despliegue di 4.959 elemento “como resultado di un solicitud oficial di Instituto Nacional Electoral (INE) pa proporciona seguridad den tur loke tin di haber cu e desaroyo di e pro-

ceso electoral.” “A desaroya e strategia aki pa apoya INE cu casi 5.000 elemento entre Forsa Arma y Guardia Nacional, cu ta cubri tur loke ta produciendo pa genera tur e papel di seguridad.” El a sigura.

E operativo tambe ta inclui vigila e transporte di e carchinan electoral, resguarda e centro logistico di distribucion di INE, seguridad di

conhehonan di distrito, y proteccion di bodega di INE y di e votonan ricibi di Mexicanonan den exterior.

Mexico ta bay tin e eleccion di mas grandi den su historia e dia 2 di juni proximo, ora mas di 90 miyon Mexicano ta convoca pa renoba mas di 20.000 funcion, incluyendo presidencia, 500 diputado y 128 senador, asina como tambe nueve gobierno estatal.



Puerto Rico: Despues di aprobacion di reglamento migrantenan na estado ta bay tin acceso na servicionan medico

(ElNuevoDia) - Muhenan na estado cu ta wordo considera medicamente indigente y ta biba na Puerto Rico, por tin acceso na un cobertura special, dentro di e plan di salud di gobierno, cu ta inclui servicionan di cuido prenatal, di parto y despues di parto, sin importa nan status migratorio.

Asina e pediatra Mario Paulino a confirma, ken ta e propulsor di e Ley 105 di 2020 cu recientemente a revela cu e Departamento di Salud ta bay aproba e Reglamento di elegibilidad na e Plan di Salud di Gobierno pa servicionan prenatal, parto y despues di parto na muhenan na estado medicamente indigente na Puerto Rico.

El Nuevo Dia a contacta e Departamento di Salud pa confirma e fecha di e aprobacion di e reglamento nobo, pero no a obtene un respuest.

E respaldo, cu ta bin casi cuater aña despues di e aprobacion di su ley habilitador, ta representa “un bendicion for di e punto di bista di salud preventivo y humanistico. Pero tambe e ta e luz na final di e tunnel, di e necesidad di e muhenan ey, inmigrantenan na estado, pasobra mester recorda cu e migracion, riba nivel global y na Puerto Rico den particular, tin cara di hende muhe,” Paulino a bisa den un entrevista via telefon cu El Nuevo Dia.

Cu e aprobacion di e reglamento, e personanan medicamente indigente por tin acceso na servicio y medicamentonan relaciona na embarazo, durante e proceso di gestacion, parto y despues di parto, te cu 60 dia despues di e nacemento. Pa accede na e cobertura, e persona mester ta na estado, mester tin un adres na Puerto Rico y cumpli cu e criterio economico di elegibilidad di plan di salud gubernamental.



E acceso di e servicionan aki, Paulino a opina, ta nifica un miho calidad di bida tanto pa e mama como pa e baby, pues e ta permiti cherche e medicina preventivo y prenatal pa por detecta y atende cualkier problema den e embarazo.

Entre e servicionan cu e cobertura special ta inclui tin e bishitanan na ginecologo, un echo pa cada trimester, cal-

culacion di likido amniotico, testnan di laboratorio, transportacion den ambulance den casonan di emergencia y servicionan di salud, relaciona na condicionnan prenatal.

E cobertura ta contempla ademas partonan natural of via operacion, y e servicionan clinicamente relaciona na e nacemento te cu 60 dia.

E elegibilidad pa e cobertura aki ta bay wordo determina pa e programa Medicaid. E beneficio ta disponible a traves di e website di Medicaid. Un bes cu a determina si e persona ta eligibel pa e cobertura aki, e persona na estado por accede na e servicionan di bialha cu e carta di notificacion ora cu e programa Medicaid manda e esaki.

Republica Dominicana ta reitera cu nan lo brinda solamente ayudo humanitario na Haiti

(DiarioLibre) - Republica Dominicana a reitera cu nan lo brinda solamente ayudo humanitario na Haiti y a destaca cu e pais fronteriso aki, cu cual e tin un historia largo di desacuerdonan, ta su di dos socio comercial.

E presidente Dominicano, Luis Abinader, a bisa cu su pais no ta bay duna otro tipo di ayudo na Haiti cu no ta solamente ayudo humanitario, ya cu no ta bay tin colaboracion den temanan militar.

“Haiti ta bay ta e di dos socio comercial di Republica Dominicana den terminonan di nos exportacionnan.

E situacion na e frontera ta sigui activo cu e celebracion di e mercadonan,” e gobernante a afirma durante su rueda di prensa di tur dialuna na e Palacio Nacional.

For di su punto di bista, e comercio entre ambos pais por tabata mas activo si no tabata pasobra e gruponan arma Haitiano cu ta controla e zonanan cu ta impedi e comerciantenan yega cerca di



e frontera cu Republica Dominicana.

E gruponan arma di Haiti a mobilisa durante e ultimo dianan rechasando e yegada, premira pa dia 26 di e luna aki, di un forsa multinacional aproba pa ONU october ultimo, dirigi na trece paz na e pais y cu Kenia ta bay lidera.

E manifestacionnan ta wordo

organisa pa e coalicion arma Vivre Ensemble, dirigi pa e poderoso ex polis Haitiano Jimmy Chersier, alias ‘Barbecue’.

Na otro banda di su intervencion, Abinader a afirma cu su pais a avansa den su lucha contra e corrupcion, pero cu nan mester sigui den e direccion aki.

E gobernante a contesta asina ora cu el a wordo cuestiona ariba e denuncianan generalisa cu Haitianonan indocumenta cu ta wordo deteni pa autoridadnan migratorio ta evita di wordo manda pa Haiti of regresa di eynan pagando 15 mil peso (alrededor di 250 dollar).

“E situacion tan special cu Haiti ta pasando aden a causa

cu e operacionnan di e Direccion General di Migracion a multiplica dies biaha mas. Nan a procesa varios agente pa corrupcion, pero nos tin cu sigui avansa, e fronteranan ta areanan hopi sensibel,” el a comenta.

Den e orden ey, el a cita e problemanan cu Merca tin pa evita e trafico di narcoticonan cu ta bin for di Mexico “pasobra nan tin tambe corrupcion na e frontera ey. Nos ta bay sigui lucha contra e tema ey,” el a bisa.

E Consejo Presidencial di Haiti a informa cu nan a habri e proceso pa e designacion di un prome minister nobo despues di e criticanan di e designacion unilateral di Fritz Belizaire.

E decision a wordo anuncia despues cu e Consejo a acorda e proceduranan di tumamento di decisionnan den e seno di e organo, cu mester prepara e caminda pa e celebracion di eleccionnan pa scoge un presidente nobo mas tarda dia 7 di februari di 2026.

Artista Hulandes expulsa di Eurovision Song Contest ta probabel di enfrenta acusacionnan segun polis di Suecia

(AP) - Hulanda su representante pa Eurovision Song Contest cu a ser expulsa dramaticamente for di e competencia oranan prome cu e final lo probablemente ser acusa pa haci menasanan ilegal, segun polis di Suecia a bisa dialuna.

Joost Klein no a logra presenta na dos di e trainingnan riba diabierna y e organisador, European Broadcasting Union, a bisa cu polis tabata investigando un keho di un miembro femenino di e ekipa di produccion na e competencia cu a tuma lugha na Malmo, Suecia.

Vocero di polis Jimmy Modin a conta The Associated Press cu nan investigacion tocante e incidente a caba y cu e decision tocante e acusacion mester bin “dentro di algun



siman.”

E no a elabora tocante e naturalesa di e menasanan cu Klein ta acusa di a haci.

E competencia na Malmo a bini despues di un aña turbulento pa e competencia pan-continental di pop, cual a mira un cantidad grandi di

manifestacion contra e participacion di Israel cu a hinca e celebracion musical den un posicion cu a keda tapa pa e guerra na Gaza.

Detayenan tocante loke a sosode backstage no ta conoci.

Aftonbladet a reporta, citando un fuente no conoci, cu Klein



a un momento a sinti estresa pa tur e fotografonan y a pidi nan pa stop di graba Ora cu un fotografo a bini cerca, el a hisa su man cu un mokete y a bay contra e fotografo, segun e corant.

Sydsavenka daily, e corant di Malmo, a bisa cu e crimen di haci menasa usualmente ta

resulta den boet ora di yega un condena. “Nos ta premira cu probablemente lo tin un persecucion,” Emil Andersson, oficial di polis encarga cu e caso, a conta SVT. Tambe el a bisa cu un proceso legal di “persecucion acelera” probablemente lo keda involucra mirando cu e incidente no a yega un crimen mas serio.

Corte Frances ta declara inocencia di director Polanski den caso di difamacion cu actor Britanico



(AP) - Corte Frances a libera director Roman Polanski di acusacion riba diamars di a difama un actor Britanico ken a acusa su persona di ganamento despues cu el a acusa cu su persona a abusa di dje sexualmente ora e tabata hoben.

E caso aki a surgi a causa di un entrevista den aña 2019 cu Paris Match unda Polanski a acusa Charlotte Lewis di un “mentira grave” ora di acusa su persona di violacion tempo cu e tabatin 16 aña.

E corte di Paris su declaracion no a atende e berdad di e acusacion di violacion pero a enfoca solamente riba e comentarionan di Polanski y si esaki ta constitui un difamacion contra

Lewis. Polanski a nenga e acusacionnan.

Lewis a bisa cu el a sinti desapunta cu e veredicto y cu e lo apela. “Mi ta sinti tristo,” el a bisa. “Pa nos, e no a caba ainda.”

Polanski no tabata den Corte. Su abogado Delhpine Meillet a yama su persona den sala di corte anunciando e noticia, bisando “nos a gana, Roman.”

Papiando despues cu reporteronan, el a bisa cu corte a reconoce su derecho di desafiar hende cu haci acusacionnan den su contra. El a nota cu e veredicto a bini riba dia di apertura di Cannes Film Festival, yamando esaki “un dia simbolico.”

“E pregunta cu corte a contesta ta si bo por defende

bo mes publicamente ora cu bo ser acusa publicamente. E contesta ta cu si. Bo por desafiar acusacionnan, bo por pone duda riba acusacionnan,” e abogado a declara. “E ta un

victoria pa e derechonan di defensa.”

Polanski, conoci pa clasiconan manera “Rosemary’s Baby,” “Chinatown” y “The

Pianist,” tambe a sugeri na Paris Match cu Lewis ta un mal ganado y cu el a acusa su persona falsamente a causa di frustracion.



A clausura e siman cu enfoke riba tur nurse

HOH a celebra 'Staff Appreciation Week 2024' yena di briyo y color

Como gesto di profundo aprecio y admiracion, Horacio Oduber Hospital a celebra yena di color y briyo nan 'Staff Appreciation Week 2024'. Si bo a bishita Hospital entre 6 te cu 13 di mei bo por a sinti alegria y mira hopi color na HOH, paso a transforma diferente parti di e edificio cu color y tambe dichonan positivo. Durante e siman aki a demostra e aprecio na cada un di e 1200 empleadonan di HOH cu ta contribui grandemente na e cuido y bienestar di tur pashent.

A habri e siman cu un breakfast al estilo festival unda colega por a pasa y disfruta di un desayuno suculento compana pa delicioso poffertjes. Diamars e comision a parti un gesto di cariño pa tur cu ta traha na HOH. Tambe a organisa diferente charla cu enfoke riba motivacion cual coleganan por a inscribi pa participa durante dia duna pa profesionalnan riba tereno di emotional intelligence, leadership, mindset, self-care balans y mas. Sesionnan sumamente fructifero cu sigur ta aporta na bo trabou pero tambe na bo bida personal.

Riba diaranson a organisa un tremendo 'happy hour' cu tabatin como tema 'Good Vibes Only' caminda tur colega a bini hunto pa baila y gosa. Diabierna a celebr'e den estilo di un rifa yama 'Bright and Lucky', caminda varios sponsor a duna diferente premio p'asina e esaki por a wordo parti bou di tur trahado. A reparti hopi premio y HOH ta hopi gradici paso esaki no lo tabata posibel sin e bunita gesto di nos comerciantenan.

Diasabra a enfoca riba Aruba su naturalesa y tambe salud unda coleganan a topa y bay cana mainta trepan den Parke Nacional Arikok.



Diadomingo tabata Dia di Mama pero tambe Dia Internacional di Enfermeria. Pa e motibo ey a scoge pa riba dialuna duna extra atencion na e curason di HOH, esta tur nurse cu ta brinda cuido y amor na nos pashentnan. A malcria nan cu un dushi masashi pa nan por a relaha y tambe a parti hopi premio bou di tur e nursenan.

"Di curason un danki na e comision cu ta consisti di colega di diferente departamentu cu a uni pa haci e 'Staff Appreciation Week' di HOH uno exitoso. Trabou di basta luna tras di lomba cu e solo

meta pa demostra gratitud na nos coleganan cu ta traha 24/7 cu curason pa HOH y nos pashentnan. Y tambe danki na Junta di Directiva pa e sosten y confiansa pa haci e siman aki uno exitoso yena di ambiente y color," Charlene Huntington, Manager di departamento di Comunicatie & Marketing a termina.

'Bringing Brightness to HOH' tabata e meta di e siman pa 2024 cual siguramente a logra cu tur e actividadnan cu a organisa. Un siman yena di motivacion, color, alegria y sin laga afo ambiente di colega.



Bon Dia Aruba ta anuncia ganador di raffle pa Dia di Mama!

Siman pasa Bon Dia Aruba a tene un raffle specialmente pa Dia di Mama. Pa esaki nos kier a anuncia e ganador fortuna.

E ganador di e raffle ta... Elvira Perez di Kudawecha! Ma-

sha pabien Elvira! Por pasa na nos oficina na Weststraat 22, dialuna pa diabierna entre 9or di mainta pa 5or di atardi pa busca bo regalo.

Bon Dia Aruba kier manda un gradicimento pa tur par-

ticipante di e raffle, como tambe nos sponsornan Keke, Win Me, Citgo Savaneta, Flora, Island Asia Store, My Catholic Shop y Costa Linda Beach Resort pa yuda nos haci e dia aki uno extra special.

A yama polis pa persona drumi dilanti MFA Noord pero na yegada di polis ya e persona a bay



Dialuna mainta tempran a drenta informe di cu tin un hende drumi y ta stroba pa drenta dilanti porta di entrada di MFA Noord.

Mesora a dirigi un patruya na e sitio. Na yegada di d patruya a bin compronde cu ya e persona lo a bay caba.

Chauffeur di Honda Elysion no a regula su velocidad ni mantene distancia

Dialuna mainta a drenta informe di un accidente na e rotonde banda di Acero na Tanki Leendert, mesora a dirigi un patruya na e sitio.

Na yegada di e patruya a bin compronde cu e chauffeur di e Honda Elysion no a regula su velocidad ni a mantene distancia a bay dal tras di Chevrolet Aveo ademas a nota cu ta unicamente aki keda un strepi chikito di e verf cora di e plachi number riba e auto cu djies un rubbing compound por kita e y e otro chauffeur a ofrece e hendenan den e Chevrolet placa pa regla esaki entre nan mes pero nan no tabata kier como cu e auto no ta di nan.

Aki tambe afortunadamente ningun hende a resulta herida.



Despues di algun dia sin mir'e a bati alarma

Homber enfermo di 75 aña haya sin bida den apartamento

Dialuna mainta un habitante di un complejo di apartamento despues di a tuma nota di casi un siman sin mir'e y e cantidad di musca den e area a bati alarma, mesora a dirigi patruya na e sitio. Na yegada di e patruya a bin constata e situacion y a solicita presencia di bombero pa habri e porta.



Na yegada di bombero mes- ter a kibra e porta di baño pa drenta y eyan a haya e victima sin bida y den estado di descomposicion. Na yegada

di e dokter Texier a constata morto natural di e homber R.L.B. naci Aruba 16 di December 1948.

Na su famianan nos ta extende nos mas sincero palabranan di condolencia.



Motociclista a keda provoca polis cu refmento y draaimiento te cu el a dal abao y a detene

Dialuna madruga den e area di un nightclub na Palm Beach un motociclista cu a tuma nota di presencia di polis a bay provoca polis cu refmento cu draaimiento di brommer.

Na prome instante polis no a worry mucho cune pero despues cu e mes a dal abao polis a acerc'e y a detene ademas di a confisca su brommer.



Chauffeur coriendo cu velocidad halto riba caminda di tera a slip den birada y a bay dal cura di cas

Diadomingo atardi a drenta informe di un accidente na Spaanslagoweg, mesora a dirigi un patruya na e sitio.

Na yegada di e patruya a bin compronde cu e chauffeur a core duro y den birada e auto a slip y a bay dal riba cura di cas. Afortunadamente ningun hende a resulta herida.



Relaciona cu un investigacion di “Team Drugspanden” di polis detencion repentino a cay na airport

Diadomingo atardi algun oficial di e Team Drugspanden di polis a bay na airport pa asina nan detene un sospechoso relaciona cu un investigacion andando.

No a duna hopi detaye tocante e caso mirando cu e investigacion ta andando te ainda.



Chauffeur no a regula su velocidad ni mantene distancia a bay dal tras di auto na e rotonde pa bay Jaburibari

Diadomingo atardi a drenta informe di un accidente na e rotonde pa bay Jaburibari, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda cu e chauffeur di Toyota Yaris no a regula su velocidad ni a mantene distancia a bay dal tras di e pick-up su dilanti. Afortunadamente ningun hende a resulta herida.



Chauffeur no a regula su velocidad ni mantene distancia a bay dal tras di auto na Tanki Leendert

Diadomingo atardi a drenta informe di un accidente na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di e Suzuki Swift no a regula su velocidad ni a mantene distancia a bay dal tras di e Suzuki. Afortunadamente ningun hende a resulta herida.



Hoben a come mangel laga atras y a bira malo



Diasabra anochi a drenta informe di cu un hoben lo a bira malo na Mangel Halto. Mesora a dirigi tanto polis como ambulance na e sitio.

luga unda turista ta keda y lo a haya mangel riba mesa y lo a come. Despues di a come e lo a sinti malo. Na yegada di e ambulance nan a atende e hoben y hib'e hospital.

Na yegada di e patruya a bin compronde cu un hoben di 17 aña lo tabata limpia un

Polis tin e caso bao investigacion.





Motociclista a accidenta na Arashi

Diasabra anochi laat a drenta informe di un accidente cu hende herida na Arashi. Mesora a dirigi tanto polis como ambulance na e sitio.

compronde cu un motorciclista lo a slip, cay y herida su mes. Na yegada di e ambulance nan a atende cu e victima y a transporte pa hospital.

Polis a tuma dato di e accidente aki.



Polis a detene chauffeur bao influencia cu a causa accidente na Stadionweg



Diasabra anochi ora polis tabata atendiendo un caso na Stadionweg nan a nota un auto pasa dal un pick-up. Mesora polis a bay atende cu nan. Aki a tuma nota di e chauffeur cu a purba bay su cas eybanda

mes.

Polis a mesora par'e y a haci test pa check si e ta bao influencia. E test lo a muestra cu e a surpasa e limite y a detene e dama. E homber cu tabata cu e dama kier a stroba/

agredi prensa pero mesora polis a hala su atencion pa e no keda deteni tambe.

Polis a tuma dato di e accidente aki y a vehiculo di transporte a hiba e detenido pa Warda di polis.

Polis a haya auto recién horta cu motor ainda cayente na Madiki

Diasabra anochi a drenta informe di cu lo tin un auto laga atras na Madiki. Mesora a dirigi un patruya na e sitio.

Na yegada di e patruya a bin compronde cu dos hoben lo a bai laga e auto atras. Aki ta trata di un KIA RIO Hatchback blauw skur cual a ser horta diahuebs madruga for di Nayostraat.

Polis a buska den area pero no a encontra e sospechoso-nan.

Polis tin e caso bao investigacion.



Accidente hit & run riba L.G. Smith Boulevard

Diasabra anochi a drenta informe di un accidente na LG Smith Boulevard banda di Wendy's. Mesora a dirigi un patruya na e sitio.

Na yegada di e patruya a bin compronde cu un auto lo

a pasa dal un SUV y a sigui core bai. Afortunadamente ningun persona a resulta herida.

Polis a tuma dato di e accidente aki y tin'e bao investigacion.



Buscando un auto identico polis a para un chauffeur cu tabatin paki droga cune

Diasabra atardi polis tabata en busca cu un Mitsubishi Lancer unda cu e homber tabata maltrata y choca e muhe.

Polis a nota un otro Mitsubishi Lancer coriendo cu velocidad halto na altura di Pos Chikito y a bay su tras y a logra pare poco mas pabao di rotonde Balashi unda eyan a haya holor fuerte di marihuana y ora a listra den e auto a haya paki di droga.

Eyan a detene y a confisca tur e droga.



Chauffeur a causa accidenta y laga un persona herida



Diasabra merdia a drenta informe di un accidente cu herido na Tanki Leendert, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Nissan March para pariba di caminda cara panort y kier a dal un U-turn pa bay zuid pero a subi caminda mirando un Honda Civic basta leu y a subi toch unda cu e Honda a bin dal den dje. Un dama den e Honda a resulta herida y tabata keha di dolor. Na yegada di e ambulans nan a atende na e sitio mes.


Departamento di trafico tambe a presenta pa traha e raport di e susedido.

Security di Superfood a scapa chauffeur di wordo agredi cu un "butcher's knife"

Dialuna madruga a drenta informe di cu un chauffeur cu tabata cambiando su flat tire a hera bira victima di agresion cu un "butcher's knife."

Mesora a dirigi un patruya na e sitio. Na yegada di e patruya a bin compronde cu un chauffeur tabata cambiando un flat tire y diripiente un otro auto ta para banda di dje y a baha cu un cuchiu basta grandi pa bay agredi e otro, mesora e security a drenta den accion y kita e cuchiu. E agresor a core subi su auto y bay.

Mientrastanto e chauffeur cu flat tire a caba di cambia su tire y tambe a bay. Polis a tuma dato di e autonan envolvi.



Ippei Mizuhara, ex-interprete di strea di MLB Shohei Ohtani, ta declara inocencia como formalidad

(AP) — Ex-interprete di strea di Los Angeles Dodgers, Shohei Ohtani a declara inocencia ayera di fraude di banco y impuesto, un formalidad prome cu un acuerdo di culpabilidad cu el a negocia cu fiscalnan federal den un caso amplio di wega di placa cu sport.

Fiscalnan ta bisa cu Ippei Mizuhara a horta casi \$17 milyon for di Ohtani pa paga debe di gambling riba sport durante un schema di varios aña, algun biaha impersonando Ohtani cu bankeronan y explotando su relacion personal y profesional cu e hungador. Mizuhara a firma un acuerdo di culpabilidad cu a detaya e acusacionnan di 5 di mei y fiscalnan a anuncia esaki varios dia despues.

Durante su procesamiento diamars den corte federal na Los Angeles, hues Jean P. Rosenbluth a pidi Mizuhara pa duna un declaracion pa un cargo di fraude bancario y un



cargo di suscribi na un documento falso di impuesto. E declaracion di inocencia spera tabata un stap procedural mientras e caso ta bay dilanti, maske ya el a acepta e acuerdo di culpabilidad.

Abogado di defensa Michael G. Freedman a bisa cu Mizuhara tabatin plan pa declara culpabilidad den futuro. Den gang prome cu e audiencia, Freedman a bisa cu nan no lo duna comentario ayera.

Mizuhara a papia solamente pa contesta pregunta di hues, cu respuestanan manera “si señora” ora a puntr’e si e ta compronde e procedementonan.

No tin evidencia cu Ohtani tabata involucra den of na altura di e gambling di Mizuhara, y e hungador ta cooperando cu investigadornan, segun autoridadnan a bisa.

Acuerdo di culpabilidad di Mizuhara ta bisa cu e ta bay

ta rekeri pa paga restitucion na Ohtani cu por yega na un total di casi \$17 milyon, como tambe mas di \$1 milyon na IRS. E cantidadnan aki por cambia prome cu sentencia. E cargo di fraude di banco ta carga un maximo di 30 aña den prison federal, y e cargo di documento falso di belasting hasta tres aña den prison federal.

E bets ganador di Mizuhara a yega un total di \$142 milyon, cual el a deposita den su propio cuenta di banco y no esun di Ohtani. Pero su perdidan an tabata como \$183 milyon, un perdida neto di \$41 milyon. E no tabata hunga wega di placa riba baseball.

El a sali liber riba un fianza di \$25mil, coloquialmente conoci como un “signature bond” cu ta nifica cu e no mester a paga cash ni colateral pa sali den libertad. Si e viola condicionnan di e fianza - cu ta inclui un rekisito pa ricibi tratamiento pa adiccion na wega di placa - e ta bay tin

cu paga e \$25mil.

Hues a pone conferencia di status pa dia 15 di juni.

Los Angeles Times y ESPN a reporta prome e noticia di e procesamiento fin di maart, poniendo e Dodgers duna retiro na e interprete, y MLB a lansa su propio investigacion. Reglanan di MLB ta prohibi hungadornan y empleadonan di team di pone bet riba baseball, hasta legalmente. MLB tambe ta prohibi bet riba otro sport cu bookmakernan ilegal of den exterior.

Ohtani a busca pa enfoca riba e cancha mientras e caso ta desaroya den corte. Algun ora despues cu su ex-interprete a presenta pa prome biaha den corte na april, el a hit su di 175 homerun den MLB - empatando Hideki Matsui pa e mayor cantidad di un hungador naci na Hapon - durante e perdida 8-7 di e Dodgers contra San Diego Padres den 11 inning.

Man City cerca di gana titulo di Premier League cu Haaland anotando dos biaha den victoria riba Tottenham



(AP) — Erling Haaland a anota dos biaha mientras Manchester City a derota Tottenham 2-0 riba diamars y a posiciona su mes un victoria leu di un record di cuatro titulo consecutivo den Premier League.

E triple campeon defensor ta bay e ronda final di wega diadomingo cu un bentaha di

dos punto riba Arsenal cu ta na di dos lugar.

City ta ricibi West Ham, mientras Arsenal ta na cas contra Everton.

Haaland a inspira team di Pep Guardiola den minuut 51 na Tottenham Hotspur Stadium ora el a converti e pase di cerca di Kevin de Bruyne. El a anota su di dos gol for di spot

di penalty den prome minuut di tempo extra, despues cu Pedro Porro a tira abao Jeremmy Doku.

E victoria di City tambe ta nifica cu Aston Villa a sigura di cuatro lugar y clasificacion pa proximo temporada di Champions League dilanti di Tottenham, cu a keda na di cinco lugar.

Proximo diasabra Aruba ta enfrenta Corsou den clasificacion pa Mundial di FIFA

Recientemente, durante conferencia di prensa, Minister di Enseñansa y Deporte Endy Croes hunto cu presidente di Arubaanse Voetbal Bond (AVB) Sr. Randolph Lacle, Sra. Dyane Wiersma y Sr. Raymbert Bikker di AVB a anuncia oficialmente cu e wega clasificativo di CONCACAF lo tuma lugar dia 8 di juni proximo den Compleho Deportivo Guillermo Prospero Trinidad, unda cu Seleccion di Aruba lo enfrenta e Seleccion di Corsou.

E interes pa FIFA World Cup Qualifiers ta hopi grandi, tanto nacional- como internacionalmente. Recientemente, a haya bishita di e representantenan di CONCACAF cu a bin wak con e trabounan ta andando den stadion Dakota y a laga un lista di posibel factornan cu mester atende. A inverti mas di 5 milyon florin den renobacion di stadion na Dakota pa cumpli cu e standardnan di FIFA y CONCACAF.

Despues di e wega tan spera aki dia 8 di juni, lo cera e

stadion back pa finalisa cu e trabou di renobacion. Sra. Wiersma a indica cu nan ta trahando duro pa haci e partido aki uno exitoso. Tambe a informa cu lo tin un pre evento, den cual lo duna mas detaye durante siman a traves di nan medionan social.

Fuera di esaki, Sr. Bikker a indica cu tanto prensa di Aruba, Corsou y Hulanda tin un interes hopi grandi den e wega aki. Sr. Bikker a sigui bisa cu no lo permiti pa trasmiti e wega en bibo, mirando cu tin un derecho di transmision



mara na esaki. Ticket pa entrada ta disponibel caba riba Pay.aw, na Urataka Center y Citgo na final di Caya Grandi. Minister Endy Croes y AVB ta invita Pueblo di Aru-

ba pa bin apoya nos Seleccion Masculino di Aruba dia 8 di juni proximo, cuminsando 8 or di anochi den FIFA World Cup Qualifiers den Stadion GPT na Dakota.

Minister Geoffrey Wever kier invita pueblo pa atende e simposio di
Economia Oraño Explora e futuro di industrianan cultural y creativo

Aruba ta cla pa explora e potencial di su industrianan cultural y creativo (CCI) na e Simposio di Economia Oraño, plania pa 27 di mei, 2024, na The Hub at San Nicolas for di 13:00 pa 18:00 PM. E simposio tin como meta pa stimula dialogo tocante con e CCI por contribui na crecemento y desaroyo sostenibel den e paisahe creativo di Aruba, ofreciendo un plataforma pa discusionnan informativo, oportunidadnan pa network, y colaboracion entre participantenan. Minister Geoffrey Wever tambe lo t'ey presente pa comparti su vision pa sos-



tene e Economia Oraño na Aruba.

E Simposio di Economia Oraño ta un iniciativa di Ministerio di Asuntonan Economico, Comunicacion y Desaroyo Sostenibel y Aruba

Investment Agency (ARINA), cu tin como meta pa stimula crecemento y desaroyo di e industrianan cultural y creativo di Aruba (CCI).

Discusionnan Interactivo na Mesa Rondo

Discusionnan interactivo na mesa rondo lo explora aspec-tonan crucial di e CCI na San Nicolas, invitando aporte y ideanan di expertonan di industria y sector publico, em-presarionan y publico general interesa pa duna rumbo na e futuro di e industrianan cre-ativo di Aruba.

Ministro Geoffrey Wever a expresa su entusiasmo to-cante e Simposio, bisando, "E evento aki ta marca un stap importante pa defini y promove Economia Oraño

di Aruba. Nos ta ansioso pa discusionnan informativo, colaboracion, y e visionnan pa un futuro briyante pa nos industrianan cultural y cre-ativo."

Sigura bo lugar awor!
Cuponan pa e Simposio di Economia Oraño ta limita, pues registra trempa pa sig-ura bo lugar. Registracion ta habri awor riba e website di www.investinaruba.com. Pa mas informacion, tuma con-tacto cu: Zuleika Quant na z.quant@deaci.aw

Invitacion pa Tridium na
Honor di Spirito Santo


























Cuminsando diahuebs dia 16 di mei te cu diasabra 18 di mei 2024, lo tin e Triduum di Spirito Santa na Parokia di Playa Pro-Catedral San Francisco do Assis.

Orario pa e Tridium ta tur atardi pa 6 pm sigui pa Santo Sacrificio di misa pa 7 PM. Diadomingo 19 di Mei lo

celebra Pentecoste durante misanan 7 am, 9 am, 11 am y 7 pm.

Un Invitacion ta bay den nomber di Pastor Stanislaw Sekula na Pueblo en general pa asisti na e Triduum di Spirito Santo y celebracion di Pentecoste. Nos ricibi e shete donnan sagrado di Spirito Santo.

Resultado Sorteo Mei 14			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0773	7755	0444	0362
4552	8018	SUPER5	9159
9344	8071	35496	4441

MERDIA	ANOCHI		
			
Sorteo # 4265	Sorteo # 8241	Sorteo #	Joker Letter
2057	8331	0 x Jackpot	Proximo Jackpot
4229	2772	0 x Match 4+	300.000,-
9676	9944	0 x Match 4	
		0 x Afl. 12,00	
X5	X3		
			01-07-19-22-25
Sorteo # 4265	Sorteo # 7285	Sorteo # 6471	Proximo Jackpot
9788	6830	1 x Jackpot	50.000,-
		6 x Match 4	
X2	X2	146 x Afl 8,00	
			
Sorteo # 2321	Sorteo # 1990		03-08-11-24
5795	5972	Sorteo # 1662	Mega Ball 06
		0 x Jackpot	Proximo Jackpot
Sorteo # 4265	Sorteo # 6044	2 x match 4	500.000,-
1901	1577	5 x Afl. 500,00	
Tauro	Aries	80 x Afl 50,00	
		83 x Afl.15,00	
Sorteo # 1139	Sorteo # 974		Afl. 680.000,-
381	588		
		Sorteo #	
X3	FP		

King Classic Sudoku

				9	7	8	3	6
8	3	9	1					
	5		8					
4	9						8	2
		6	4	3	1	5		
				2	8	3	6	
7	1		6				2	3
		8	2		9	6		7
	6				5		1	8

Difficulty: ★

5/13



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Trupiaal Centro Medico
Tel. 583 8560 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Tips pa haci un cas of apartamento safe y accesibel pa adultonan mayor

(AP) - Cu un gran cantidad di e poblacion tanto na Merca como demas paisnan cu ta prefera biba den nan mesun cas, e expertonan ta enfatisa con importante modificacionnan ta pa mantene e hogar safe y accesibel.

A causa di e importancia di e topico aki y pa conscientisa familiarnan, sernan ker di dunadornan di cuido, National Institute on Aging y AARP, cual ta ofrece un guia gratis di camber pa camber cu sugerencianan pa adultonan mayor cu ta biba independientemente, a crea un lista di tips pa asina tin un guia tocante ki modificacionnan ta beneficoso pa haci den e casnan.

Algun di e tipsnan ta manera lo siguiente.

Den entrada di cas

Ta importante pa tin por lo menos un porta cu ta liber di trapi of cualkier tipo di stap. Si esaki no ta posibel, considera un rampa.

Agrega cualkier tipo di stoel unda por sinta y kita sapato of unda por pone articulonan ora di lock of unlock e porta.

Den baño

Instala un bañera unda por dreña cu ta ekipa cu un caminda unda por sinta ademá di matnan cu ta special pa preveni cu por slip y/of cay.

Instala tambe unda por wanta na e muraya den e bañera y tambe banda di e W.C. Tambe instala un W.C cu a mas halto of cumpra un tipo di stoel special pa pone riba e W.C y haci esaki mas halto. Considera tambe pone un



lus pa anochi den baño.

tra comodidad.

Den camber

Si e trapinan ta hopi dificil pa maneha, crea un camber na e piso principal pa medio di transforma un oficina of cualkier otro camber extra. Sigura cu e cama ta facil pa subi y baha, si ta necesario, por cumpra diapositivonan special pa subi e cama y asina facilita su uso.

Si bo por, inverti den un cama ahustabel pa por tin ex-

Den cushina

Cumpra un stoof cu tin funcionnan di seguridad cu ta alerta e residente ora cu e keda sendi of un cu ta paga automaticamente. Tambe reloca e aparatonan grandi y principal pa haci nan mas accesibel y facil di yega na dje.

Instala un cranchi cu tin sensor, cual ta hopi mas facil di usa cu un cranchi cu mester opera manualmente.

Pronostico di tempo

Tempo:

Awe tardi y awe nochi: levemente te parcialmente nubla y seco

Den marduga y mañan: parcialmente nubla sin awasero di importancia

Temperatura maximo 33 grado celsius

Temperatura minimo 26 grado celsius

Indice di calor (heat index) den y rond di oranan di merdia: 34 pa 39 grado celsius
UV index: 12

Bahada di solo : 6:57 pm
Subida di solo : 6:15 am

Biento:

Moderá for di direccion oost; Forsa 3 te 4 (12 te 30 km/ora, 7 te 16 nudo).

Durante di dia basta fuerte te fuerte den rafaga;

Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

Lo no ta bay tin cambionan grandi den e tipo di weer cu tin actualmente. Debi na un atmosfera relativamente



seco, no ta spera awasero di importancia y weer seco lo domina. Di otro un banda por bisa cu stof di Sahara lo stroba visibilidad y trece aire di calidad abou durante proximo dianan. Na personanan cu alergía of problemanan respiratorio ta sugeri pa tene esaki na cuenta.

Condicionnan maritimo/estado di lama:

Na partinan protegi di costa: keto, rond di 1 pia.

Na partinan zuid: trankil, entre 2 pa 3 pia.

Na partinan oost te noord-west di costa: Generalmente modera cu olanan alrededor di 4 pa 5 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu inmenso dolor na
nos curason, nos ta
anuncia fayecimento
di:

**Yaraesy Marilandi
de Castro**
Mihor konosi komo:
“ESY”



Na number di su:
MAMA: Sharine de Castro-Evertsz

TATA: Jacques de Castro

RUMAN NAN: Indira de Castro
Jacques de Castro i Sislaine Lacle
Giancarlo de Castro
Derek de Castro i Cherriline

PRIMA MANERA RUMAN: Dahariana Evertsz i Cesar Quejada

WELA: Melbis Evertsz Flores

TANTANAN: Tahra Evertsz
Thais Evertsz
Dittiana de Castro

TIONAN: Gustavo de Castro i Famia
Javier de Castro i Famia
Charles Evertsz i Famia

SUBRINU(A): Zahony, Aleynah, Zylon, Arjen, Elijah, Gideon,
Dayvhen, Kyzion, Sieldrick, Rivandrick, Delaine

PRIMU I PRIMA NAN: Thamir, Shekainah, Kimorah, Tishaun,
Liam, C'neasha

Tur sobra primo(a)nan na Hulana, Venezuela, Colombia, Curacao
y Merka.

TIO I TANTA GRANDI NAN: Mildred Bouwman i Famia
Adolf Medema i Famia
Gilbert Medema i Famia
Amilkar Medema i Famia
Joseline Medema i Famia
Rubia Flores

IHANAN: Keanna Courtar
Kaeden Courtar
Xandre Courtar
Gideon de Castro
Aleynah

MADRINA NAN: Lorna Curiel
Doreen de Castro

AMISTAD NAN DI KAS: Jualine i Jamal Courtar
Mariangella Geerman Odor i Famia
Roberto Jansen
Nel Twigt
Eliandra Marchena
Angeline Dirks i Famia
Lucy Villalobos i Famia

Josy y yiuunan
Yolanda Dijkhoff y famia
Alijay, Aden, A' drion
Angie Vorst

DEMAS AMISTAD NAN: Marisol Henderson
Damara Rasmijn

Monica Koolman
Mariella Dirks

Tur sobra amiga(o)nan na Curacao, Hulanda, Aruba cu ta mucho pa
menshona.

KOLEGA NAN DI HOH, VERLOS, KRAAM I RESPALDO
AFDELING

DEMAS FAMIA NAN: de Castro, Evertsz, Medema, Lacle, Flores,
Halley, Dijkhoff

NOS DISKULPA SI DEN NOS TRISTESA NOS POR A LUBIDA
ALGUN FAMIA, AMISTAT I/OF KONOSI.

Acto di despedia lo tuma lugar na Aurora Funeral Home Diasabra 18
di mei 2024 di 2'or pa 4'or di atardi. Cremashon lo tuma lugar den
seno familiar

Nos ta lamenta cu despues di entiero nos no por ricibi bishita di
condolencia na cas.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Mi tin Dios pa wardador pues mi no tin falta di nada.
Den cunucu di yerba berde e ta pone mi sosega.
E ta hiba mi na awa trunkil, pa mi bolbe haya forza”

Cu dolor na nos curazon, nos ta participa fayecimento di nos
espos, tata, welo, omo , ruman:



Sr. Jose Maria Heronimo
Mihor conoci como “Jossy Gangster”
*09-10-1951 +10-05-2024

Na number di su :
Esposa: Sra. Lourdes J. Heronimo Gomez

Mayornan: † Ana Maria Briesen
† Lorenz Ridderstap
Melecio Briesen (stiefvader)

Yiunan:
Joselito Heronimo
Marina Heronimo
† Franky Heronimo
Josmar Heronimo
Jose Heronimo & Iza Janga
Jermain Heronimo
Jaymir Heronimo

Ex exposa:
Sra. Ofelia Dirks

Manera un suegro: Olindo Thiel y famia

Nieto (a)nan:
Khloë, Josieny, Ivan, Marajah, Maelyh, Shandrick, Joyceline,
Jaymison, Kevin, Jay, Josue, Joziah

Rumanan:
Amanda (Didi) & Benito Croes & famia
Dorothea (Dooy) & Dino Growell & famia
Lodrigo (Ludi) Briesen & Evelyn Henriquez & famia
Edwin (Tico) Briesen & Miriam Tromp & famia
Rudolf Ridderstap & famia
Antonio Ridderstap & famia na Hulanda
Nemencia Ridderstap & famia
Rufina Ridderstap & famia na Hulanda
Mario Rldderstap & famia

Sua y cuñanan:
Shelly & Leo Vrolijk & famia
Caroline Hernandez & famia
Daisy Krosendijk & yiuunan
Nelson Gomez & famia
Monique Gomez y yiu
Lucia Gomez & yiuunan
Alexander Thiel & famia
Lilian Werleman & famia

Ihanan:
Adamelis Arscanio, Denise de Cuba

Comadre & compadrenan:
Sharon, Gina Loefstok, Lienchi Kelly, Annie Ridderstaat, Fefe
Winterdaal, Tico Briesen, Vlademir Arscanio, Monique Gomez,
Evelyn Henriquez, Magaly Zievinger, Francella Jacobs, Jolaine
Briezen, Dino Growell

Amigonan di cas:
Fefe Winterdaal, Ivo Vrolijk, Bal Delany, Nel Dirks, Edwin Thiel.,
Benjamin Petrochi, Gilbert Leyba

Primo y primanan, sobrino y sobrinanan, bisñanan

Demas famianan: Heronimo, Briesen, Ridderstap, Gomez, Thiel,
Werleman, Growell, Krosendijk, Vrolijk, Hernandez, Janga,
Everon, Villanueva, Ras, Geerman, Esteba, de Cuba, Farro, Pinedo,
Dirks

Nos disculpa si nos por a lubida un famia den nos tristeza

Condolencia lo tuma lugar dia Diaranson, 15 di Mei 2024 na Royal
Funeral Home di 7or pa 9or.

Acto di despedida lo tuma lugar Diahuebs, 16 di Mei 2024 ma
Royal funeral home di di 2or pa 4or , y despues lo tin cremashon
den seno familiar.

No lo bai ricibi bishita na cas despues di cremashon.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Langzaam ben je van ons weggeleden, elke dag een beetje
meer. Telkens werd je weer iets ontnomen, de sterke vrouw
van vroeger was je niet meer. Het is een stille pijn, dat je
nooit meer bij ons zult zijn”

Met pijn in ons hart delen wij u mede dat onze lieve
vrouw, moeder, grootmoeder, overgrootmoeder en
betovergrootmoeder op 89 jarige leeftijd is overleden



Estebanita Reyes-Koeiman
*2 november 1934 - †7 mei 2024

Na number di su:
Casa: Alex Carlos Reyes

Yiunan:
Jolanda Monsanto y yiuunan
Irma en Henry Bouw-Monsanto y yiuunan
Rita Monsanto y yiuunan
Juan Monsanto y yiuunan
Rosita y Rob Majoor-Monsanto y yiuunan
Martis y Lenneke Monsanto-Saraber
Robert Monsanto y Astrid y yiuunan
Sheyla y Jurjen van der Honing-Monsanto
Rumannan:
†Ramon Koeiman y famia
†Ricardo Koeiman y famia
†Lucita Koeiman y famia
Mario Koeiman y famia
†Venderanda Braafhart y famia
†Angel Koeiman y famia

Nieto(a)nan:
Armando, Raul, Zulay, Jahaira, Janice, Ileana, Shady,
Thalita, Eumir, Jeremy, Andrea, Urwin, Danny, †Jessica,
Dwight, Dwayne, Tyrone, Tyrine, Terick, Jayden, Sharon
Bisanieto(a)nan:
Sharrellynne, Jorien, Kelvin, Joas, Roy, Kirsten, Ian,
Erin, Brennan, Jamaire, Jayden, Jaylinn, Kiyana, Kayla,
Kiyela, Kayden, Lara, Mano, Dante
Tataranieto(a)nan:
Elin, Moud, Juda.

Demas famianan Hulanda, Aruba, Curaçao y Venezuela:
Koeiman, Reyes, Monsanto, Monsanto, van der Honing,
Bouw, Majoor, Valdez, Saraber, Kock, Braafhart,
Sijbesma, Bruens, Kelkboom, Monte, Calmes,
Francisca, Toppenberg, Enser, Whitfield, Sneek, Dirks,
Roga, Dania, van der Linde, Ziel, Schaap, Mars, Brands,
Broekhof, Williams, Brooks, Dubero

Condolencia lo tuma lugar na Aurora Funeral Home
diaranson 15 di mei 2024 di 7'or pa 9'or di anochi.
Despedida lo tuma lugar na Aurora Funeral Home
diahuebs 16 di mei 2024 di 2'or pa 4'or di atardi.
Cremacion lo tuma lugar despues de seno familiar.
Despues di despedida nos no ta ricibi bishita di
condolencia na cas.
Nos disculpa si den nos tristesa nos por a lubida algun
famia of conocir.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur local cu mi laga atras keda bunita y
Laga esakinan termina den tur buniteza
Autor: Cado Wever

Cu imenso dolor na nos curazon nos ta participa
fayecimento di nos ser stima:



Sra Ivis Halabi-Roos
Cariñosamente yama Mama Ivis
*28-12-1940 - † 08-05-2024

Na number di su casa:

Jesus "Chu" Halabi

Yiunan:

Selimah y Jaime Maduro – Halabi

Ramsey y Jouraine Halabi – Figaroa

Nietonan:

Elias, Rania, Eva y Sarah

Rumanan:

Ellen y Eduardo de Veer – Roos

Yvonne Roos

Edgard y Grecelle Roos – Croes

Norman Roos

Siegfried Roos

Soraya Roos

Sobrinonan:

Edwin y Cecile Roos – Provence y famia

Rebecca Roos

Murielle y Patrick Brown – Roos y famia

Amylaine Roos y famia

Consuegro y Consuegranan:

Myra Maduro-Arends

Miertje Rodriguez-Tromp

Juan Francisco "Chito" Figaroa

Swa y cuñanan:

Mirna Halabi y famia

Ricardo Halabi y famia

Evelyn Martes – Halabi y famia

Ineke Molenaar

Amiganan stima di cas:

Adelaida Daems, Dora Croes, Jaime y Marguerite Saleh

– Halabi, Mireille de Cuba – Saleh, Yvonne Kelly-Kelly,

Suzy NuBoer

Su amiga y prima stima:

Vilma Dijkhoff – Croes

Ayudantenan stima:

Alba Zapata, Analou Lerio y Moraima Padilla

Primo y primanan

Un danki special na Dr. J van Trigtr su dr di cas kende e la

stima y cu a trate te na su ultimo momento asina bon y cu

hopi pasenshi carinjo y amor.

Demas Famianan, Roos, Halabi, De mei, Maduro, Henriquez, Oduber, Lacle, Croes, Wever, Ponson, De Cuba, Daou, De Veer, Villasmil, de Jong, Brown, Figaroa, Tromp, Timp, Saleh, el Hage, Chemali, Habibe, Yrausquin y su miembrobronan di koor Santa Filomena, Alianza Frances y Womens Club of Aruba. Nos ta pidi nos disculpa si den nos momento di tristeza nos lubida un famia of amigo.

Lo tin oportunidad pa condolencia diamars 14 di mei na Royal Funeral Home di 7or pa 9or di anochi. Acto di Entiero lo tuma lugar diarason 15 di mei na santana Catholico Paradera. E restonan mortal lo reposa den Iglesia santa Filomena na Paradera for di 2or pa 4or pm.

Nos ta lamenta cu despues di entiero nos no por ricibi bishita di condolencia na cas. Na luga di flor of Krans hasi un donashon na Edmond Harms Foundation of Koningin Wilhelmina Kanker Fonds.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi refugio.
E mes t'Esun cu a salba mi.
Isaías 12:2

Cu dolor na nos curason, nos ta participa fayecimento di
nos ser stima:



Olga R. Rincones

Cariñosamanete yama "Olgita, Ma Ita, Pechi, y
Oka"

*21-02-1937 - †10-05-2024

Na number di su yuinan:

Radeshka (Deca) Y Edward (Lando) Franken-

Luydens

Jeritza Luydens

Su nieto nan:

Eldrick Franken y Maria Ruiz

Derrick y Jayne Franken-Dirksen

Jelixa Roza

Alexis Roza

Bisanieto nan:

Trevor Franken, Zayne Franken, Nolan Franken,

Alixandrah Roza

Ruman nan:

† Evaristo y Gladys Rincones Cabrera y famia na

Venezuela

† Jesus (Chu) Rincones y famia

† Gloria y Dichi de Mey – Rincones

Ricci Rincones de Armas y famia na Colombia

Manera Ruman:

† Delia Bernadina y famia

† Olga y Emilio Kock y famia

Negra Atencio y famia

Subrina nan mescos cu yui:

Ruthmila y Antonio Perez y famia

Judella y Carol Bito y famia

Milly y Glenn Franken y famia

Noris Rincones y famia

Consuegro: Loreto y †Olivia Franken

Amiga y comader: Sra. Maria (Shon Ija) Tromp

Amiga nan di cas: Edwina Diaz, Tina Maduro, Sol

Echeverria y demas amiganan

Ex Nuero: Alex Roza

Ayudante: Hestefany Garban, Carmen Granados

Primo y prima nan, subrino y subrina nan na Aruba,

Venezuela y Colombia, comer y comper nan y tur su

bon bisiña nan y conocir nan.

Demas famia nan:

Rincones, Luydens, Franken, Roza, de Mey, Perez,

Dirksen, Bito, Bernadina, Atencio, Matos, de Armas,

Fingal, Lacle, Ruiz

Nos ta pidi disculpa si den nos momento di tristesa
nos por lubida un miembro famia.

Acto di entiero lo tuma lugar na Aurora Funeral
Home diarason 15 di mei 2024 di 9'or pa 11'or di
mainta. Despues lo sali pa Santana Catolico Pastoor
Kraanwinkel na Paradera.

Nos ta lamenta cu despues di entiero nos no por
ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios a tira su mirada den su jardin y a ripara cu falta un flor
y a mira cu bo tabata cansa y ela braza bo, tene bo man pa
hiba bo descansa den e jardin di roza pa bo sinti e fragancia
dushi cu e tin prepara pa bo den e paraiso celestial pa laga
bo encontra tur loke ta buniteza y keda bunita pa tur hunto
termina den tur buniteza.

Cu profundo sentimiento y imenso dolor na nos
curason nos ta anuncia fayecimento di nos querida



Sra Vuida Regina Flanegin-Willems

*15-07-1942 - †13-05-2024

Su casa den feliz memoria

Crecenciano (Chano) Flanegin.

Tata di su yui den feliz memoria

Bernadeto (Dechi) Tromp.

Na number di su:

Yiu: Janine y Danielo Croes.

Mescos yiuinan: Ruben Tromp, Sra y yiu.

Maria y Robert Vrolijk.

Nieto/a nan: Jadrienne y yiuinan.

Desireen Rosel, Luigy Peña y yiuinan.

Andree Rosel, Marjorie Habibe y yiu.

Mescos nieto/a nan: Mary, Romayra, Michael y Michaeline.

Ruman nan: Cornelia Maduro y Famia.

Yuyu, Hendrik Croes y Famia.

Carmen, Lucindo Dabian y Famia.

Sita Roos y Famia.

†Francisco Willems y Famia.

†Vicente Willems y Famia.

†Victoriano Willems y Famia.

†Florencio Willems y Famia.

Sobрино/a nan: †Milda, †Franklyn, Maikel, Judith, Ricky,
Mildenny, Mariska, Stuart, Jozef, Robert, Wever, Albertsz,
Ludwin, Aldrin, Aymar, Amelaine.

Bisanieto/a nan: Mayron, Dayron, Tyrone, Dayrenne, Jay-
nah, Tyrenne, Jaydylienne, Cay-Yenne.

Demas Famia nan: Willems, Flanegin, Tromp, Croes, Rosel,
Maduro, Dabian, Roos, Vrolijk, Peña, Habibe, Celestina,
Zavalla, Servud, Kock, Trimon, Robert, Wever, Albertsz,
Restrepo, Vaca, Ruiz, Franken, Comenencia, Bernabela,
Loefstop, Donata, Wester, Holsman, Erasmus, Bomba,
Cordero Puyosa.

Nos disculpa si nos por a lubida un famia den nos tristeza.

Ta invita demas famia, amigo(a)nan y conocirnan pa asisti
na e acto di entiero cual lo tuma lugar Diabierna 17 di mei
2024 di 2or pa 4or di atardi na misa Inmaculada Concepcion
na Santa Cruz. Despues lo sali pa santana catolico di Santa
Cruz.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu hopi tristesa pero conforme cu boluntad di Dios nos ta
anuncia cu a bay laga nos den brasa di Señor



Sarita Filomena Croes
yiu di Isaías (Charlie) Croes & Juanita Thiel-
Croes
*11-08-1941 - †11-05-2024

Yiunan: Annet Maduro
†Haime Maduro

Nieto(a)nan: Joann Simon & Aldrin Maduro
Paul Simon & Loraine Balentina
Chaelle Simon
Jazzy Simon
Vera Maria & Rodney Tromp

Bisnieto(a)nan: Jayden & Elaine Maduro
Aaliyah, Lindcey & Caitlyn Simon
Hailey Tomassen
Veyron & Veyronish Tromp

Ruman: Romana (Sira) Croes
Adisson (Eddy) Croes

Subrino(a)nan: Mariella Dirks-Simon, John Dirks, Nell Dirks,
Roli Croes, Anthony Croes, Shareen Croes
Astrid Petrochi
Michael Croes, Sidney Croes, Nathalie Croes
Delio Lacle, Anthony Lacle, Joselito Lacle
Bryan Croes

Cuñanan: Clara Wester, Lima Yarzagaray & Rosalda
Lopez-Croes

Yiunan sin dolor: Elmer, Magaly & Mercedes

Amiganan: Miranda, Irena, Sharise, Sara, Rona, Mely,
Marcela

Demas famia: Croes, Maduro, Thiel, Briesen, de Mey, Dirks,
Trimon, Lopez, Rozenberg, Boekhoud, Kock, Leo, Yarzagaray, Simon,
Tomassen.

Danki special pa Cas di Machi cu a cuida mi mama en especial Cristina,
su yiunan, Lady & Luz.

Ta invita pa acto di entierro I despedida cu lo tuma lugar diasabra dia 18-
05-2024 na Aurora Funeral Home di 9:00 di mainta pa 12:00 di merdia.
Y despues lo Sali bai pa santana central na Sabana Basora.

Despues di entierro no ta ricibi bishiti di condolencia na cas.

Nos disculpa si den nos tristesa nos por a l

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo
mi ta banda
di boso Curazon, mi por stens di loke Señor
ta hasi”
Salmo 33

Cu dolor na nos curason, nos ta participa
fayecimento di nos ser stima:



Juan Nicolaas Kock
Cariñosamente yama “Chito, Juancito y
Palili”
*08-05-1959 - †07-05-2024

Acto di despedida lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur bunita.
Autor: Cado Wever.

Cu dolor na nos curason, nos ta participa
fayecimento di nos ser stima:



Sra. vda. Lourdes F. Mercera-Werleman
Cariñosamente yama “Ma Lou, Tanta Lou,
Udi, Lou”
*12-04-1943 - †10-05-2024

Acto di entierro lo wordo anuncia despues



CONDOLENCIA



Staff y Personal di Alhambra Casino (Divisino N.V.)
ta participa fayecimento di:

Audrey Lisette Henriquez
Ruman di nos empleada/colega, Sandra Henriquez

Nos mas sincero condolencia na
su mayornan, yiunan, rumanan y demas famia.
Hopi forsa den es momento nan dificil aki.

Cu “Lisette” sosega na Paz

Alhambra
CASINO AND SHOPS

Merca:

Gobernador di Tennessee ta aproba legislacion permitiendo sentencia di morto pa conviccionnan di abuso sexual di mucha

(AP)—Gobernador di Tennessee, Bill Lee, a aproba un legislacion permitiendo e sentencia di morto den conviccionnan di abuso sexual di mucha, un cambio cu e Statehouse a apoya durante un tempo di preocupacionnan cu e corte supremo Mericano a prohibi castigo capital den casonan asina.

Lee, un republicano, a aproba e legislacion siman pasa sin publica un declaracion. E ley nobo d Tennessee, cual ta drenta den efecto dia 1 di juli, ta autorisa e estado pa persigui castigo capital ora un adulto ser condena di abuso sexual di un mucha. Esnan condena por haya sentencia di morto, sentencia di bida den prizon sin posibilidad di condicion, of sentencia di bida den prizon normal.

Gobernador di Florida, Ron DeSantis a implementa un legislacion similar casi un año



pasa. Un par luna despues di implementacion, fiscalnan na Florida a anuncia den december cu nan tabata persiguiendo e castigo di morto pa un homber acusa di a comete violencia sexual contra un mucha bao di diesdos año. Segun e Death Penalty Information Center, ta considera e caso pa ta e prome di ta persigui bao di e ley nobo.

Mientras tanto, e House di Idaho controla pa Republi-

canonan a aproba un legislacion similar na comienso di año, pero e propuesta eventualmente a keda para den e Senado. Mientras cu apoyadonan di e version di Tennessee a admiti cu aunke e Estado Boluntario a permiti den pasado pa un abusado di mucha condena enfrente e castigo di morto, e corte supremo Mericano ultimamente a anula e leynan cu su decision di 2008, concluyendo cu ta inconstitucional pa usa castigo

capital den casonan di violencia sexual contra mucha.

Sinembargo, nan ta spera cu e corte supremo lo cambia e huicio ey awo—refiriendo na e esfuerso cu a tuma pa cambia e ley di Roe v. Wade di e caso di 1973 cu a legalisa abortus den henter e nacion pero eventualmente a ser cambia na 2022. “Porta awo e atmosfer ta diferente den e corte supremo,” segun senador republicano Janice Bowling. “Simplemente nos ta desafiando e huicio.”

Lee a conta reporteronan ayera cu e no a firma e legislacion cu e speranza cu esaki lo ser desafia den corte. El a bisa cu crimennan contra mucha ta “un di e mas horroroso cu tin.” Legisladonan democratico y abogadonan di mucha ta preocupa cu e ley por trece mas miedo den victimanan di abuso sexual di mucha cu pa bin dilanti lo resulta den un ehecucion, advertiendo cu

hopi mucha ta ser abusa pa miembronan di famia of amigonan di famia. Otro a alega cu abusadonan por ta mas probable pa mata nan victima pa asina scapa un castigo mas streng.

Ley di ehecucion na Merca ta dicta cu crimennan mester envolva un morto di victima of traicion contra gobierno pa ta eligible pa e castigo di morto. E corte supremo a dicidi casi 40 año pasa cu ehecucion ta demasiado streng pa asalto sexual, y huesnan a tuma un decision similar na 2008 den un caso envolviendo e abuso sexual di un mucha.

Actualmente, tur ehecucionnan na Tennessee ta riba pausa mientras oficialnan estatal ta evaluando cambionan na su proceso di inyeccion letal. Gobernador Lee a implementa e pausa despues cu un rapport na 2022 a detaya varios fayos den con prizoneronan na Tennessee ta ser ehecuta.

Kico ta e “ley Ruso” recién aproba cu a dividi hende di Georgia pa varios luna?

(AP)—E parlamento di e nacion intercontinental Georgia a aproba un ley cu ta criticonan ta considera menasante pa libertad di media y e aspiracionnan di e pais pa drenta Union Europeo. Legisladonan a denuncia semanas di manifestacionnan grandi den e capital cu tambe a mostra rabia riba Rusia.

Kico e ley ta haci? E ley lo rekeri media, organizacionnan no gubernamental y otro NGO pa registra como “persiguiendo e interes di poder stranhero” si nan ricibi mas cu 20% di fondo for di afo. E ley ta identico na esun cu e partido gobernante di Georgia, Dream Party, a presiona pa retira año pasa despues di protestanan similar. E version aki pasa su tercer y ultimo audiencia den parlamento ayera.

E partido gobernante ta bisa cu e ley ta necesario pa controla loke e ta haya ta influencia stranhero dañino riba e escena politico na Georgia y preveni actornan stranhero no identifica pa purba destabilis’e.

E oposicion ta denuncia esaki como “e ley Ruso” pasobra Moscu ta usa legislacion similar pa stigmatiza media y organizacionnan independiente cu ta critico di Kremlin. Legisladonan den oposicion a acusa e partido gobernante di purba pone Georgia den e esfera di influencia Ruso.

Lo manda e ley pa parlamento prome cu e por drenta den efecto. Presidente Salome Zourabichvili, ken birando mas distancia cu e partido gobernante, a priminti pa veto e ley, pero Dream tin suficiente mayoria pa surpasa e veto.

Con e relacion entre Rusia y Georgia ta? E relacionnan di Rusia y Georgia a keda tenso y turbulento desde e collapse di e Union Sovietico na 1991 y e salida di Georgia for di su rol como un republica Sovietico.

Na 2008, Rusia tabata un guerra cortico cu Georgia, cual a inclui un esfuerso fracasa pa tuma control atrobe riba e provincia di Sur Ossetia. Despues Moscu a reconoce Sur Ossetia y un otro pro-



vincia separatista, Abkhazia, como estadonan independiente y a fortalece su presencia militar eynan. Mayoria di mundo ta considera ambos region como parti di Georgia.

Tbilisi a corta relacionnan diplomatico cu Moscu, y e status di region a keda un fuente di iritacion clave hasta mientras relacionnan entre Rusia y Georgia a mehora den e ultimo añanan. E oposicion United National Movement ta acusa Georgian Dream,

cual a ser funda pa Bidzina Ivanishvili, un ex-prome minister y biyonario cu a crea su fortuna na Rusia por medio di sirbi e interesnan di Moscu—un acusacion cu e partido gobernante ta nenga. Kico ta e posicion di UE?

Hefe di politica stranhero pa UE, Josep Borrell, a describi e decision di parlamento como “un desaroyo hopi preocupante” y a adverti cu “adaptacion final di e legislacion aki lo afecta e progreso di Georgia negativamente

riba su caminda den UE.” Borrell a bisa anteriormente cu e ley “no tabata den cuadra cu e norma- y valornan di UE” y lo limita e habilidad di media y sociedad civil pa opera libremente.

E presidente di e Consejo Europeo, Charles Michel, a bisa despues cu a aproba e ley cu “si nan kier drenta den UE, nan mester respeta e principianan fundamental di e regla di ley y e principianan democratico.”